

明詩正聲


九四

柳田文庫

文庫11

D 174

2



文庫 11
D172
2

詩正聲七言古詩目錄 凡三卷

第一十八家共四十三首

高啟	九首	楊基	二首
劉基	一首	林鴻	一首
曾棨	一首	王稱	二首
劉績	二首	李東陽	二首
徐貞卿	六首	邊貢	四首
孫一元	一首	薛蕙	二首
王廷相	一首	康海	一首
鄭繼之	一首	文徵明	一首
王寵	五首	華察	一首

柳田象

010190557834

48-12145

2

明詩正聲七言古詩目錄 凡三卷 全文館藏

第二 四家共四十三首

李夢陽

十四首

何景明

十一首

李攀龍

六首

王世貞

十二首

第三

十二家共三十三首

穆考功

五首

李先芳

六首

譙榛

三首

盧柟

三首

宗臣

四首

吳國倫

二首

徐中行

二首

屠應岐

一首

王世懋

一首

楊于庭

一首

李化龍

一首

于若瀛

一首

右通得三十四家共詩一百一十九首

明詩正聲卷之四

漆園

穆光胤仲裕

刪訂

澶淵

陳素蘊仲獻

校刊

七言古詩一

高啟

燕歌行

清商變節朱火遠。嚴霜塗庭卉木腓。邊城早寒未授衣。念君遐征不能歸。涼風時來動中闈。蟪蛄在戶熠。耀飛賤妾宵與歎。無依簪珥不施減。容輝欲寫憂思。

明詩正聲

卷之四

奎文館藏



撫瑤斂君今不在聽者稀。啟明未出燈已微。愛而不見徒獻歎。

行路難

君不見盤中鯉。暫失風濤登俎几。君不見枝上蠟。纔出糞壤凌雲霄。推移變化詎可測。勿謂斷日同今朝。出乘高車入大馬。半是當年徒步者。范叔曾逃客溺餘。衛青亦在人笞下。悠悠行路莫相欺。爲雌爲雄未可知。

猛虎行

陰風吹林烏鵲悲。猛虎欲出人先知。目光燿燿當路

坐將軍一見弧矢墮。幾家荆棘高作門。未到日沒火猪豚猛虎雖猛猶可喜。橫行只在溪山裏。

牧牛詞

爾牛角變環。我牛尾秃速。共拈短笛與長鞭。南隴東岡去相逐。日斜艸遠牛行遲。牛勞牛饑唯我知。牛上唱歌牛下坐。夜歸還向牛邊臥。長竿收牛百不憂。但恐輸租賣我牛。

養蠶詞

東家西家罷來往。晴日淡窓風雨響。一眠蠶起食葉多。陌頭桑樹空枝柯。新婦守箔女執筐。頭髮不梳一

月忙。三姑祭後今年好。滿簇如雲。蠶成早。簷前線車
急作絲。又是夏稅相催時。

野田行

白楊樹下誰家墳。火燒野州碑無文。路傍尚臥雙白
馬。行人指是故將軍。當時發卒開陰宅。千車送葬城
東陌。子孫今去野人來。高處牧羊低種麥。平生意氣
安在哉。棘叢暮雨棠梨開。百年富貴何足恃。雍門之
琴良可哀。

大梁行

大梁四面平如砥。西去咸陽二千里。魏王此地昔爲

都。宮闕中天碧雲起。車聲鞦韆夜未休。帶甲十萬名
蒼頭。鐘列鼎宴上客。奉金走幣連諸侯。信陵真是
賢公子。富貴不驕天下士。已訪侯嬴到里門。復迎朱
亥。經屠市。傾身折節世莫同。緩急竟賴斯人功。邯鄲
秦軍一椎破。七國震動聞英風。古城重過爲掩首。幾
度秋風落楊柳。沼上應無鴻鴈來。苑中只有狐狸走。
立馬塵沙日欲昏。悲詩感慨向夷門。豪華多少同銷
歇。獨有高名今尚存。

吳中逢王才隨朝使赴燕南歸

江南艸長蝴蝶飛。白馬新自燕山歸。燕山歸不堪說。

易水寒風薊門雪。朝邸空隨使者車。禁闈不受書生
謁。一杯勸君歌莫哀。歸時應過黃金臺。不見荒基秋
來土花紫。伯圖已歇昭王灰。千載無人延國士。

贈醉樵

川釣已遭獵。野耕終改圖。不如山中樵。醉臥誰得呼。
采山多采松。松花可爲酒。酒熟誰共斟。木客爲我友。
木客已去空石床。舉杯向月邀吳剛。借汝快斧斫大
桂。要令四海增清光。林風吹髮寒。擁耳獨枕空。尊碧
巖裏此時忘。忘却負薪歸。猛虎一聲驚不起。世間萬事
如浮烟。看棋何必逢神仙。青松化石鶴未返。酒醒又

是二千年

楊基

桂劍臺

語諾諾尚淺。歎諾諾更淡。當時季子意。卽是徐君心。
嗟嗟徐君骨已朽。寶劍摩挲在吾手。正擬臨岐解贈
君。不意桂君墳上柳。桂劍果何益。聊以明不欺。當時
讓國心。肯使徐君疑。於乎劍可折。臺可隨。歎生之諾
不可虧。

詠七姊妹花

紅羅鬪結同心小。七盞參差弄春曉。盡是東風兒女

魂蛾眉一樣青螺掃。三姊娉婷四妹嬌。綠窓虛度可
憐宵。八姨秦國休相妬。腸斷江東大小喬。

劉基

長安道

長安道送盡芳菲到枯稿。人生衰盛苦不常。何異長
安道傷艸。漢家將軍初拜官。門前上客車班班。一朝
世衰煙燄歇。車輪無聲馬蹄絕。明年有詔封冠軍。依
舊車馬來如雲。

林鴻

經綺岫故宮

行人曉飯青山裏。驅馬蒼茫經洛水。昔聞綺岫成
華。不謂荒涼今若此。憶昨行宮初構時。梯崑駕壑相
逶迤。美人桂殿夜看月。公子柘弓朝射麋。翠華一去
千門鎖。露殿飛螢山月墮。在事吹殘牧笛風。危基半
入樵人火。今古銷沈能幾回。春風依舊野花開。君王
巡狩不復見。禾黍空山鳥雀哀。

曾棨

酒壚行

東家酒壚大道中。百尺酒旗垂裊風。少年兩姬何窈
窕。當壚一笑顏花紅。道傍遇者頻回首。駐馬停車更

呼酒。壚頭酒薄。渾不知。笑勸相歡。坐來久。西家酒壚
 相向開。雕盤綺饌。連金疊門。前寂寞。少行迹。堵面夜
 雨生青苔。由來酒徒多。重色愛此紅顏。在壚側。暫時
 過眼。寧盡歡。囊中有錢。應不惜。誰將此意。報兩隣。坐
 中無客。且莫頌。東隣兩姬。一朝去。門前亦無呼酒人。

王偁

短歌行

東風吹花。墮錦筵。綠楊半鞦韆。青樓煙。主人自為鴛鴦
 舞。小妓更奏鴛鴦絃。當杯入手。君不醉。落日已在西
 山顛。短歌一曲。心茫然。請看明鏡高臺上。何須白髮

悲芳年

長歌行

有淚莫泣。鮫人珠。有足莫獻。荆山玉。赤心徒使按劍
 猜。至寶翻令笑魚目。千金路海稱達人。五噫出關西
 去。秦負芻。不復遇知己。空歌白石南山春。楚卿棄相
 復何有。於陵甘作灌園叟。雜縣偶來魯東門。惆悵胡
 能事杯酒。長風蕭騷百艸殘。長鋏悲歌涕汎瀾。金臺
 駿骨人已化。瑤水風波不可攀。畏途羊腸能折軸。緘
 書為謝雲間鷓。海上三花久負期。醉歸謾託平原宿。

劉績

大堤曲

春風起大堤。歷亂樓前柳。樓頭多女兒。解勸襄陽酒。
襄陽估客足黃金。百千爭買女兒心。茱萸帳薄燈光
透。翡翠衾重蘭氣深。蘭氣未銷燈未滅。合歡交綰了
香結。良宵一刻惜如金。黃金易擲情難歇。前船南商
去。後船北商來。不知妝鏡匣。今夕為誰開。

題宋院人畫盤車圖

大車盤盤牽不住。小車碌碌推還去。上阪下阪日千
迴。不離太行山側路。吳鹽蜀米塞滿箱。烏捷耳溼筋
力強。商人重貨不重虎。飯牛夜夜宿車傍。妻兒不須

念。旅囊中有金皆樂土。星殄露溼逐隊行。但願
多無所苦。道傍往來多折軸。誰人肯戒前車覆。

李東陽

屠兵來

兒勿啼。屠兵來。趙宗一綫何危哉。千金買兒兒不灰。
真兒卻在深山裏。妾今有夫夫有子。死兵易立孤難。
九原下報無慚顏。趙家此客還。此友穿何故。何者何
走誰。言趙客非晉臣。當時嬰杵為何人。

馮婕妤

園門晝開熊不守。婕妤當前衆嬪走。荷君光寵擇君

危不然安用賤妾為。君身如山妾如葉。君有不虞安
置妾。亦知倉卒非賈恩。恩多如淡翻在睫。馮婕妤昔
非勇。今非怯。掖庭佞兒何喋喋。

徐貞卿

寄華玉

去歲君為薊門客。燕山雪暗秦雲白。馬上相逢脫紫
貂。朝回沽酒城南陌。燕山此日雪雰雰。祇見秦雲不
見君。胡天白鷹南飛盡。千里相思那得聞。

送友

平原蒼蒼蒼。五月行子辭燕。指吳越。淮水橋邊賣酒

家。停車幾處梅花發。美爾侯門早拂衣。柴桑舊日
中歸白。酒山中新芋熟。青楓江上蟹螯肥。閉門松竹
依然在。一曲參差醉落暉。

送士選侍御

壯士樂長征。門前邊馬鳴。春風三月柳吹暗。大道城
廬溝橋下東流水。故人一樽情未已。胡天飛盡隴頭
雲。惟見居庸暮山紫。美君鞍馬速流星。余亦孤帆下
洞庭。塞北荆南心萬里。佩刀長揖向都亭。

贈王淵之 井序

淵之故游漢落廿年頃來京師將從異宦
霜霰被鬢風塵改容飲以卮酒并為歌以

月寺正聲

卷之四

八

卷文 宿歲

贈

君不見。十月狂風吹白雪。長安城中地欲裂。朱門酒
壚紅炙天。空裏瑤花旋滅。由來都國盛繁華。青雲
絡繹滿仙車。浪說黃金賜寒士。爭言白壁請侯家。驕
矜意氣遙相羨。片善朝推蒙夕薦。待詔虛沈金馬門。
傳宣直上麒麟殿。王郎渡落爾何求。千里乘驢被黑
裘。空教作賦稱才子。未肯低眉事貴游。知君不得逢
楊意。終愧明時老督郵。

青門歌送吳郎

吳郎醉嗜長安酒。落魄自言為客久。走馬頓看上苑

花。回鞭幾折青門柳。青門曠曠魚鈴開。乳燕游絲相
逐來。柳下雕鞍留別袂。花間酒盞覆蒼苔。浮雲去去
辭城闕。芳艸連天那可歇。野店春風聽早鶯。關河曉
樹懸星月。千里淮流雙盡橈。廣陵驛前逢暮潮。落日
帆歸揚子渡。青山遙對伯通橋。吾家流水元非隔。死
轉昏臺通巷陌。艸長難尋仲蔚居。林深不辨陶潛宅。
清溪屋下可垂綸。復有尊羹足獻親。君歸倘食米絲
餚。為念羈棲塞北人。

馬李員外贈古鏡歌

關西古人惜我別。贈我古鏡光如雪。感君意氣特相

許爰披肝膽照清徹。盪日塵空恍虛映。奧室青瞳閃
甯晰。妙質精凝。水土浚丹爐。碧霧生華纈。圓銘髮髯
不可讀。蚓屈虫蠕。細糾結。腰間錦囊。故所佩。請脫繩
絲。置局鏞。當今明月入我懷。精光夜夜隨虹霓。故人
卓犖。信才傑。蒼茫炯炯。豈相劣。墜子蓬穢。何所侶。對
此不覺心內熱。湘江溟洞入無滓。衡嶽凌空鬱岑巖。
山行應使魍魎逃。木宿能令蛟怪滅。古物由來孕神
秀。靈光可讓三尺鐵。憐君至寶不自惜。何以報之嗟。
菲茂護藏。但使鏡莫缺。與君交情世不絕。

邊貢

綠珠怨

誰言妾命薄。結髮承主恩。誰謂妾身輕。寵冠金谷園。
園中桃李千萬樹。對妾妍華無處。徘徊歌舞曲未
終。門外戰鼓聲逢逢。當時只倚紅顏貴。豈料紅顏爲
主累。主家高樓天與齊。妾身不惜委黃泥。他生願作
銜泥燕。長倚樓中梁棟棲。

送馬欽湖赴湖南提學

征馬帶落日。出門君已遙。層城不隔夢。夜夜蘆溝橋。
蘆溝橋邊車簇簇。故人卻在城南宿。誰令相見轉多
多。情翻恨遲行。不如速。江漢風煙遲。春關山雨雪。

暗邊塵。臨歧莫動殊方感。余亦東西南北人。

贈尚子

意氣憑陵一當百。關西儒生五陵客。少年學書後學劍。老大蹉跎雙鬢白。門下諸生半賜麻。閨中小婦猶炊麥。布衣東來謁天子。春日醉臥長安陌。陌頭花絮夕紛紛。瓊閣如天隔紫雲。浩歌翩然卻歸去。眼底誰是平原君。

送秦用中文學

玉真臺下三間屋。屋後有松前有竹。廣文先生雙鬢禿。長對青藜夜深讀。有時不中亦不服。獨跨瘦驢攜

短僕五老峰前看秋瀑。更著芒屨步江澳。月落詩成
小鬼哭石底。流泉手親掬。歸來煮茗牕下宿。清夢蘧
蘧謝梁肉。鳥聲墮枕猿桂木。紅日三竿睡初熟。食罷
曉盤歌首蓓。為剪溪雲封赤牘。長安故人勞遠目。

孫一元

泛高士湖

正德乙亥孟春十四日。予與石川子泛舟西湖。時石川子著方山冠。子戴華陽巾。被高士服。把酒四望。子頗謂石川子曰。昔青蓮居士李白與尚書郎張謂泛滂州南湖。因改為郎官湖。今日予與子游。頗追跡前事。西湖因可為高士湖矣。石川子大笑。醉酒于湖。命予作詩紀之。予已爛醉。即信口長短成篇。不竄易一字。

我聞唐李太白一世賢。郎官之湖至今傳。我今與子
繼其跡。勝事豈許昔人專。方冠野服興不減。駕舟載
酒凌蒼煙。千山萬山兩岸如羣龍。蜿蜒盡在几席前。
青天落杯底。白日行舟邊。龍鼉突兀波面出。大魚小
魚爭避船。君把斗酒我歌加。舷天風下來雲葉翩翩。
爛醉游崑崙崑

薛蕙

南唐李昇畫竹題云昇元閣上作賜宋齊丘
南唐州創金陵日。君王材藝還非一。宮中初學書畫
圖。人間早見丹青筆。昇元閣上朝置酒。九華山人前

上畫與酣點。涼雲霧飛盡。成揮霍蛟龍。走瀟湘洞庭
洲島畔。雨葉風梢翠。凌亂珍重仍兼御。字題留傳擬
作人間玩。人代悠悠朝市改。何言畫本今猶在。嗚呼
金石亦銷毀。細看粉墨無光彩。我持此卷三嘆息。英
雄割據終何益。虎踞龍蟠尚復存。黃旗紫蓋非疇昔。
富貴繁華如夢寐。千秋萬歲皆相似。君不見西京空
聚茂陵書。傷心不獨江南事。

元夕篇

皇都佳麗地。春日艷陽年。共愛元宵好。爭歌明月篇。
元宵明月滿蓬萊。春色先從土苑來。千門宛轉銀屏

隔萬戶參差金鎖開。千門萬戶連雙闕。綠女新粧踏
明月。映牖窺窓態。熊轉多。含嬌疑。勝情無歇。正逢春日
愛芳菲。復值春宵縫舞衣。燈光斜照珊瑚枕。香氣空
薰雲母屏。此時天子盛遨遊。離宮別館足風流。纔開
鳳島張燈架。更起鰲山結綵樓。綵樓高帶鰲山側。複
道交衢對南北。萬燭翻疑日日光。千燈卻亂春星色。
春星暗。露迷煙霧。仙籟明。見分天道空。裏翩翩翠蓋
飛雲中。冉冉鸞輿度。翠蓋鸞輿千萬騎。伐鼓縱金動
天地。御仗層層錦繡圍。廣場隊隊魚龍戲。就中別有
王侯客。三三五五長安陌。夜夜經過許史家。朝朝游
戲金張宅。金張許史。豈驕奢。金燈玉帶。剪春紗。鸞
比翼。玫瑰樹。翡翠雙栖。齒齒花。龍膏鳳炬。列千行。蕙
火蘭煙。百和香。月華照耀。琉璃障。霧影氤氳。瑤梁
可憐豪侈。誰能似。可憐行樂。心無已。曲罷頻移歌舞
筵。醉後重游燈火市。月市星衢。游未徧。東城南陌時
相見。妖童繡勒五花馬。倩女銀車九華扇。妖童倩女
繁華子。雙去雙來帝城裏。粉色偏從月下明。衣香故
向風前起。調笑行歌。懽未闌。浮影流光。夜遠殘。朝來
試過狹邪路。墮屢飄花那忍看。

王廷相

南昌行

豫章妖星蝕太白飛入鈎陳闕光赤飲天博士不敢
奏遠臣見之空嘖嘖周公上鼎八百春漢代規摹遠
過秦山東諸侯自破滅淮王雞犬安能神白洲老子
中臺長何用文章諛新莽慶陽鄙夫稱雄特學得兵
書翻助賊南風不競北人力東門黃犬嗟何及君不
見河南許汝登皎皎真丈夫口中舌可斷萬歲不肯
呼匣裏寶刀光雷電悔不先發梟賊顛報國心丹不
言苦甘死寧能效囚虜已拚魂作太湖雲何惜血染
洪州土黃霾塞天白日昏長風翻江帝心怒都陽未

接勤王師坐令在奴氣先阻汝登汝登振古豪石
苟免蜉蝣曹

康海

秋風詞

長安道上秋風起吹入青門柳靡靡客子攜琴燕越
來一感秋風心欲死鳴鞭躍馬過我前那堪杯酒重
留連酒酣氣發百志奮談笑須臾空百年坐中歎爾
壯士心人事何勞問古今張蒼亦能論刑法君平徒
然上六壬仲尼治國苦不稱曾參事母猶難信時勢
權人著處士英雄遇抑常遲鈍南山磊磊雲氣橫寒

泉前湔終日鳴。請君拂袖謝人世。與爾常為谷口耕。
鄭繼之

南唐後主畫竹引 昇元閣上作賜宋齊丘

君不見彭城彭奴元姓季。早入徐家稱弟子。又不見
九華山下齊丘生。魁入南唐作謀士。同時契合風塵
裏。艸昧君臣若魚水。淮北初收格鬪塵。宮中漫得丹
青理。昇元閣上寫墨竹。翠葆蕭森鳳毛起。手書珍重
表恩殊。御墨淋漓溷溼系。梓世代相催。猶夢幻。金陵畫
餅寧復爾。帝王從古多好手。人物絢素無不有。前有
殷武丁。物色惟傳傳富叟。後有宋道君。鷹犬驕驕欲

飛走。丹青意氣稍成別。治亂興亡一回首。彭奴彭奴
聽我歌。洪水才賢本衆多。但惜九華山。不似傳富阿。
吁嗟乎。竹花零亂歲蹉跎。鳳凰不來將奈何。

文徵明

秋宵對月

銀河垂天秋耿耿。碧瓦飛霜夜堂冷。幽人無眠月窺
戶。一笑臨軒酒初醒。庭空無人天籟沈。惟有碧樹交
清陰。寒衣徑起踏流水。拄杖聲確驚棲禽。蒼風瓦鬪
然。湘竹夜久香浮乳。花熟銀杯和月瀉。金波洗我骨
中塵。百斛更闌斗轉天。蒼然滿庭秋色霏。寒烟蓬萊

何處億萬里。紫雲飛。墮蘭干前。無人為喚李謫仙。明月萬古八千年。八千年。月猶昔。賞心且對樽前客。願得常間以此時。不愁明月無今夕。

王寵

五憶歌 有序

丙戌病暑。城居如甑。伏枕書空。游神六合。戲作五憶之歌。以解煩蒸。亦猶執耆之思。

濯乎。

我所憶兮。匡廬泉飛。空直下。香爐巔。銀河為源。彭蠡委萬古。騰漭東南天。左淥右射。五老卻褰裳。鴻足愁

羣綠崖傾石。走霹靂。闔枯藤。怪樹蚪龍。縣丹青。洗出屏風。疊跳珠。濺玉聲。鏘然誰能置我。蠟石間。仰面落雪水。底眠酒酣。戲作五里霧。山精嘯。雨空中旋。嗚呼我歌兮。歌始放。九江茫茫。日在望。

我所憶兮。泰山松。秦皇避雨。駐六龍。根如鐵。石皮青。銅千秋。萬歲枝。蒙茸。瞳瞳。桂日扶。桑小隱。隱參天。翠黛濃。鸞雛鳳。戲不知數。和鳴下。上如笙。鏞。清聲直。與東海。應絕頂。正見蓬萊峯。金膏玉液散。人地扶。苓芝艸。生隆冬。采而食之。可不死。雲車何日來。相從嗚呼我歌兮。歌正長。黃河日暮流湯湯。

我所憶兮渭川竹。大澤深山千畝綠。氤氳上接西關
 雲。離奇錯峙藍田玉。翠鳳歲粧振其羽。蒼龍天矯羣
 相逐。京聲陰森白日寒。長林高下青山轟。野老都迷
 釣玉谿。山人失卻王官谷。石上蟲書繡古苔。石中匹
 練縣飛瀑。安得清狂似子猷。挾策西行騎兩鹿。嗚呼
 我歌兮歌且舞。長袖褊褊隘環堵。

我所憶兮峨嵋雪。六月陰崖凍欲裂。仙人赤腳翠巖
 行。鶴警飄飄玉光潔。迴颺吹散五谿土。落絮飛花滿
 城闕。滴博蓬婆西海頭。陰風慘澹旌竿折。萬里黃雲
 疑不流。層冰皚皚夏結。我思仗劍游其巔。石棧天

梯殊斗絕。六龍迴日不敢過。寒光凜冽千丈鐵。嗚呼
 我歌兮歌益豪。太白不動金天高。

我所憶兮黃鶴樓。蕭相洞庭生素秋。登高決晉極萬
 里。烈風震蕩無時休。九疑連縣似屏障。白日駭慘蒼
 雲愁。東攀若木枝。龍從西望雪嶺寒。颼颼朱簾繡柱
 九天上。倒影卻射滄江流。仙人坐弄紫玉笛。往往飛
 花鸚鵡洲。青蓮居士莫槌碎。便須縱飲成精丘。嗚呼
 我歌兮歌愈急。鴻鵠冥冥楚天碧。

華察

贈高南豐

明詩正聲卷之四
君家州廬一何窄。門對城隅不盈尺。蕭然四壁空。圖書兀坐牀。頭僅容膝。平生孤介人。未知及至為官性。猶憐。莊叟曾經傲。漆園陶潛畢。竟難彭澤。數畝躬畊。負郭田。十年夢斷長安陌。惟余意氣獨相投。海內論交稱莫逆。學道同歸。黃石編就。奇並買青山宅。把酒停雲。曉閣寒挑燈。聽雨秋堂夕。有時江上東風來。吹遍村中杏花白。春淡閉戶興轉幽。日暮攜筇向堪索。誰憐老牛偏苦吟。勉歲詩名重高適。

明詩正聲卷之四

終

明詩正聲卷之五

漆園 穆光胤仲裕 刪訂
澶淵 陳素蘊仲獻 校刊

七言古詩二

李夢陽

桂巖行

白龍不識漁溪惡。化為魚服遭人縛。黃髮先生困泥阻。白馬小兒氣揮霍。道傍朽木藏蛟龍。霹靂猶聞夜火紅。寄謝少年諸數公。貧賤豈必皆愚蒙。桂岩紫芝

春盡發騎驢且覓南山翁

寶刀篇

我有吳王雙寶刀。龍鱗雪花爛。照地奉君清。曼可君。
昔佩之。十年不曾離。黃金鑿帶。白玉鈞。出入魍魎。
魅愁。功高見疑。反遭怒。此物拋擲。今兩秋。丈夫生世。
輒軻亦如此。終日戚戚何為爾。

放蛇引

花蛇錯落五色備。毀垣掘出蛇驚悸。昂頭宛頸若。
有訴盤旋瞥。猴如奔避。深山大澤。豈無窟。荒郊短艸。真。
何意豺虎公然白。書行。花蛇何得。更縱橫。祗知弄口。

能戕物。未解皇天實好生。洪流自古欲微細。五戶此。
丁縱蛇逝。風驅雷震。急雨過。彩虹倒掛。青天霽。

明星篇

正德間早起。聞內教場砲喊之聲。作此篇也。

明星出地一丈高。天門沈沈魚鑰動。沙堤露下玉珂。
寒。直廬雞唱金蓮重。千門萬戶曉鐘發。明星漸高河。
漸沒。燦爛疑侵翔鳳樓。依稀故抱飛龍闕。鳳樓龍闕。
帶層城。翠輦朱車夜夜行。黃昏競奏催花晏。天明猶。
聽打毬聲。蘭煙桂火輝如日。明星迢迢照不入。百子。
池頭青艸生長信。宮中紫苔集艸色。苔香秋復春。此。

日乘槎若問津。明星曉落宵還見。白髮黃金愁殺人。

去歸詞

正德元年戶部尚書韓文暨內閣師保等咸相

繼去位。李子作此詞也。

孔雀南飛鴈北翔。含顰攬涕下君堂。繡幙空留並齒
菖。羅袿尚帶雙鴛鴦。齒菖鴛鴦誰不羨。人生一別何
由見。只解黃金頃刻成。那知碧海須臾變。賤妾甘為
覆地水。郎君忍作離弦箭。憶昔嫁來花滿天。賤妾郎
君俱少年。瑤臺等就猶嫌惡。金屋粧成不論錢。重樓
複道天中起。結綺臨春照春水。宛轉流蘇夜月前。華

迷害惹烟花裡。夜月烟花不相待。安得朱顏常不
若是相逢無別離。肯放駝波到東海。薄命難教姊妹
知。衰年恨少姑嫜在。長安大道接燕川。鄰里橋壺舊
路邊。妾悲妾怨憑誰省。君舞君歌空自憐。郎君豈是
會稽守。賤妾寧同會稽婦。郎乎幸愛千金軀。但願新
人故不如。

楊花篇

洛陽三月東風起。楊花飛入千門裏。只見朝繁上苑
烟。那知西逐東流水。死烟流水無休歇。暖日輕盈度
仙闕。趙女瑤臺貯絲霞。班姬團扇啼明月。絲霞明月

幾沈輝。陌上行。人亂撲衣。征夫柳塞愁。看鴈少。歸香
 闈。懶上機。柳塞香。聞萬餘里。州色連天度。龍水玉門
 關。外雪猶飛。章臺樹裏風先起。誰家浪子。千金馬。平
 明袂。彈章臺下。頭上羅巾玳瑁簪。腰間犀鈿珊瑚把。
 踏絮來尋賣酒家。持香坐調當壚者。當壚美女怨陽
 春。笑極楊花。靦繡裯。青樓薄暮難消遣。白雪漫天愁
 殺人。冥冥漠漠春無極。此時惟有楊花色。一朝風雨
 靡蕪爛。獨慘垂條。二嘆息。

漢京篇

漢京臨帝極。複道東星羅。烟花開甸服。錦繡列山河。

山河自古稱佳麗。城中半是王侯第。峻閣重樓夾道
 懸。雲房霧殿森蔚蔽。牧豚賣珠登要津。樊侯亦是鼓
 刀人。時來叱咤生風雨。奄見吹噓走鬼神。平津結兄
 蓋。侯弟杯酒相看何意氣。執鞭盡是虎賁郎。守門不
 說長安尉。長安烽火入邊城。挺劍辭君萬里行。去日
 千官遮馬餞。歸來天子降階迎。朱弓尚抱流沙月。犀
 鈿常飛翰海星。不辨燕然先勒石。直教麟閣後標名。
 豈知盛滿多仇忌。可惜榮華如夢寐。第宅田園奪與
 人。丹書鐵券成何事。霍氏門墻狐夜號。魏其池館長
 逢蒿。二千劍客今誰在。十二珠樓空復高。後車不戒

前車覆。又破黃金賈金谷。洛陽亭榭與山齊。北中車馬如雲逐。陰郭豪華具可憐。雲臺將相珥貂連。當時卻恠桐江叟。獨著羊裘伴帝眠。

觀燈行

宋家累葉全盛帝。寬大實皆稱令主。百年牛馬偏阡陌。太倉米粟憂紅腐。宣和以來遂多事。嗚呼爛費如沙土。海石江花湧國門。離宮別殿誰能數。羣臣諛佞祇自計。天下騷然始怨苦。正月十四十五間。有勅大駕觀鰲山。萬金爲一燈。萬燈爲一山。用盡工匠力。不破君王顏。此時上御宣德門。樂動簾開見至尊。金屋

忽經於御榻。明月初上堆金盆。傾城呼噪聲動地。可憐今夜鰲山戲。窈窕真幻巧百性。聚金蛾翠管堪垂淚。借問幸臣誰。云是李師師。外有蔡京與蔡攸。夾襖錦幄羅公侯。丞相之幄當前頭。奚兒腰帶控紫騮。如花少女擎絲毬。但聞樓上喚樓下。黃帕籠盤賜玉羞。月高鳴鞭至尊起。幄中環珮如流水。爭道齊驅輦路窄。寺橋窈窕塵埃白。火樹龍燈又一時。千光萬焰天爲赤。常言宴安成禍基。從來樂極還生悲。君看二帝蒙塵日。數月東京荒蕪藜。

雨燕醉歌

迅雷擊城鴉欲翻黑雲壓天白日晝昏展席敘對城南
門長安大雨如傾盈我馬已惜錦障泥主人況具黃
金尊睥睨將將下萬瀑龍蛇繙繙動高壁出門牛馬
不復辨炎霧盡蒸靜如秋酒酣為君如意舞夕雨轉
急風轉怒祇恐豁豁受不得海倒江翻亦難測

送神副使赴陝西

驄馬白玉鞍長鳴下雲端今朝發汴水何日到長安
孝王臺前雪如山垂楊掃地春日還使君不帶冰霜
色卻帶春風入漢關相思明月樓西望古秦州河南
咫尺不可見何況千山萬水頭西望秦州是我鄉隴

樹秦雲空斷腸塞惟仗劍經行地欲寄雙魚到慶陽

朝飲馬送陳子出塞

朝飲馬夕飲馬水鹹艸枯馬不食行人痛哭長城下
城邊白骨借問誰云是今年築城者但道甌家別六
親寧知九次無還身不惜身為城下土所恨功成賞
別人去年賊掠開城縣黑山血迸單于箭萬里黃塵
哭震天城門晝閉無人戰今年下令脩等邊丁夫半
死長城前城南城北秋艸白愁雲日暮鳴胡鞭

蕙以行贈王民

南征馬援還東都人言蒲葦皆明珠發封視之乃蕙

政羣臣失色。天子吁。世情毀譽本好惡。後世輕信迷
真誤。暗投固安明月棄。同若豈免蛾眉妬。自君夙夜
歌在公尊中。醴酒常不空。德尊日見兒孫盛。名成反
致讒邪攻。雖云喬樹多烈風。曷有寸霧殘高空。君不
見周時吉甫稱大賢。孔門弟子推顏淵。撥蜂於塵尚
見惑。豈我千得無一行。君堂有客俸有錢。槐庭偃蹇
花含烟。胡不醉酹金罍前。萬事置之休問天。

賦得姑蘇臺送李推官士允

少年何官騎白馬。秋日經過古臺下。回瞻遠慮意
慙促。下馬行歌淚盈把。猗嗟築此誰為臺。千年棄土猶

崔嵬。歷廊娃館瓦礫積。美人白骨生青苔。枯蒿中
莽颺颺。飛雲斗鴈雙徘徊。當時金屋玉起樓。豈謂臺
成麋鹿游。害鈿黃金裏瑟瑟。雨時濯出樵人收。李生
豪士扶風雋。悲歌久抱流連憂。世家各讀日一過。獨
廢吳越傷春秋。復思鴟夷氣益奮。怒目每送長濤流。
扶眼東門事已往。茲臺再過君休上。日暝漂波湖水
深。范歸恐有同行樂。

吳偉松窗讀易圖歌

大崑泉流石無數。素壁濛濛起烟霧。君家屋宇在城
市。何以堂上生松樹。測聞江夏生氣酣。掃毫素絕筆。

風雷拔地起。意匠鑿天入。爲怒泰山古。根生眼前俄。
頃緬出祖徠。山懸蘿桂。薜藋黑。復有艸舍松之間。
牕間老人鬢髮禿。手翻一編周易讀。空山瑟瑟翠濤
激。長于冥冥暮花撲。遠知既已死。希夷不復作。青丘
石室杳何許。恍然置我此溪壑。翻愁一夕雷。電入六
丁追書上。廖廓又畫石下根。屈曲如老龍。胡奴暝踏
孤崑崙。松蓬頭赤脚露兩肘。月明汲泉山礪中。卻憶前
年召畫師。江下吳生亦與之。短褐垢臉見天子。禮貌
雖村骨格奇。帝令待召仁智殿。有時半酣被召見。跪
翻墨汗信筆塗。日日慘淡風雲變。至尊含笑中官羨。

五侯七貴爭看面。請觀此幅松舍圖。黃金失價連城
賤。吳生吳生太氣斫。一言不合輒投硯。

何景明

古井篇

君不見城邊古井荆棘荒。沙崩雨塌官道傍。當時碧
甃映朱閣。黃金闌干銀作床。美人銅瓶響。哀玉寧知
委棄同。悲涼梧桐花。乾蘚花。酒鷺鷥。側窺蚯蚓入。百
丈寒泉尚堪飲。心長綆短空愁立。

柳絮歌

長安二月百花殘。滿城飛絮何漫漫。千門萬戶東風

起陌上河邊春日闌。美人高樓鎖深院。白花濛濛落
如霰。晴窗窈窕朝日遲。亂入簾櫳。趁雙燕。遊絲相牽
時。鳧鳥委地飄。廊不須掃。君不見。江頭綠葉吹香綿。
隨波化作浮萍州。

乞巧行

鵲橋崔嵬河宛轉。織女牽牛夜相見。嶽陽女兒迎七
夕。乞巧樓高高百尺。華燈明月光窈窕。結絲蟠花綺
羅繞。富家女兒恃嬌小。年年乞巧不得巧。貧家女巧
世所稀。只爲他人縫嫁女。須使露濕金剪刀。雙星漸
沒河漸高。人間天上兩迢迢。步襪仙裙空寂寥。君不

見古來巧拙何足語。歲歲樓前競兒女。

邯鄲行

邯鄲道上車馬多。行人夜火渡漳河。邯鄲女兒年十
五。能彈琵琶善歌舞。青燈朱戶夜當爐。爐頭酒熟喚
客沽。玉壺青絲爲君繫。不妨醉向邯鄲途。君不見邯
鄲市。昔日繁華安可擬。鳴鸞佩玉青雲間。鬪雞走馬
紅塵裏。平原門前客如雲。千載妻涼竟何是。黃金白
璧成飛灰。歌樓舞榭空流水。傷心萬事俱可嗟。艸長
叢臺白日斜。廢苑當時在何處。舊宮今日作誰家。古
來富貴俱寂寞。有酒樽前胡不樂。

歲晏行

舊歲已晏新歲逼。山城雪飛北風烈。徭夫河邊行且
哭。沙寒水冰凍傷骨。長官叫號吏馳突。府帖連催築
河卒。一年徵求不少蠲。貧家賣男富賣田。白金縱有
非地起。一兩已值千銅錢。在時人家有儲粟。今歲人
家飯不足。餓鶴飜飛不畏入。老屋鴉噪日近屋。生男
長成聚比鄰。生女落地思嫁人。官家私家各有務。百
歲豈止療一身。近聞狐兔亦徵及。列網持槍遍山城。
野人知田不知獵。蓬矢桑弓射不得。嗟呼今昔豈異
情。昔時新年歌滿城。明朝亦是新年到。北舍東鄰聞

垓下行

咸陽原上失秦鹿。成夫人關競馳逐。君王自負十萬
軀。傍人更訝重瞳目。橫行按劍一何威。叱咤四海隨
指揮。諸侯西向受金印。壯士東歸盡錦衣。陰陵道中
夜失援。垓下孤軍獨迎戰。百萬王師來震天。八千子
弟隨飛電。自言百戰當一身。寧知一敗損威神。美人
帳下看無主。駿馬江邊棄與人。楚歌聲高暮雲停。孤
燈對酒慄不語。蓋世英雄力拔山。一夕悲哀淚如雨。
君不見。三軍縞素行。莫。又。烏。江。不。渡。愁。風。波。古。來。失。

道衆所棄。父老雖憐將奈何。

流螢篇

廣儲六月清無暑。流螢暗逐薰風舉。始見昏連萬戶
星。更看夜照千門雨。千門萬戶競高低。拂檻縈廊亂
復齊。碧莎映水光初迥。綠柳樓烟影乍迷。水光烟影
飛復歇。肯便炎精易淪滅。帶火終須避大陽。含輝卻
自親流月。長信宮中一葉秋。玉階金闕見螢流。貴嬪
羅扇開香篋。侍女珠簾捲畫樓。誰家怨婦縫練素。當
窓忽見流螢度。蟋蟀床空露瑟寒。鴛鴦機暗孤燈暮。
螢飛螢度自年年。卻笑明珠按劍前。莫言腐州無生

意。莫道寒灰不再燃。還將片鷓鴣。鵬。詔。二。復莊生第
一篇

漢將篇

漢家西北烟塵起。烽火夜照西京裏。胡虜奔騰一萬
騎。關塞逶迤五千里。飛符檄羽募精強。連營列陣掃
邊疆。已見將軍屯細柳。更聞天子獵長楊。長楊羽獵
兵威振。豐鼓鳴鉦聞遠近。龍虎遙分天上軍。魚蛇偏
閱雲中陣。長安驄馬俠少年。金鞍玉轡鐵連錢。共看
拔劍追驕子。自許彎弓射左賢。驚風晝起邊沙漲。踈
勒黃雲迷所向。飲馬寒臨月窟。傷驅兵夜度天山上。

降旗款節樹戎城。卷施迴旌入帝京。征人半成龍庭
戰。壯士俱標麟閣名。麟閣功名不易得。貴臣良相徒
顏色。威胡盡道李飛將。還漢誰言蘇屬國。王門關外
朔雲愁。燕領書生亦白頭。君王自憶廉頗輩。義士蓋
稱萬戶侯。

入京篇

軒車若水流。宮闕似雲浮。畿甸一千里。山河十二州。
城中甲第共崔嵬。別起雲夢按露臺。旭日纔臨萬戶
動。飛塵遙見九關開。九關雞鳴競車馬。百僚已集金
門下。入衛皆為龍虎軍。來朝盡是貂蟬者。天子乘春

輿粉華。寶旌羽扇五雲車。六龍不駐千官俠。匹跡
過七貴家。七貴家連鳳城裏。轉日薰天勢無比。池柳
春來錦繡圍。樓臺日暮歌鐘起。復有蒙恩過董仇。執
柄持權得自由。不使府中除將相。直教閣下謁王侯。
王侯貴人慕豪富。意氣相看益驕妬。未惜朱聞腰裏
駒。豈論金谷珊瑚樹。托身日月有光輝。舉翼風雲多
會遇。可憐漢室盛衣冠。楊雄蓬巷獨饑寒。終歲校書
空閉閣。十年執戟不遷官。公孫射策取卿相。李廣焉
唐徒自嘆。

觀銅雀視歌

君不見鄴中魏帝無宮殿。千秋遺瓦磨爲硯。墨客騷
人空嘆嗟。朱夢綺構誰曾見。李君好古精鑑別。冬天
拂拭開煙雪。虛堂叩之哀玉音。泥沙洗出黃金屑。廣
州紫石鸚鵡眼。歛山龍尾何希罕。濡藻光迴星漢垂。
蟠花背刻龜螭斷。共憶高臺羅綺春。翠眉豔骨飛黃
塵。提攜故物悲年代。感慨新章泣鬼神。君不見臨漳
此物難復覩。河沈岸圯求者苦。縣人相傳爲厲古。嗚
呼日掘西陵土。

畫馬行

畫馬如畫龍。縱橫變化當無窮。吾觀月山子。落筆寫

神工。曾向天閑貌十馬。十馬意態無一同。此馬衝來
幾百年。古絹猶開沙漠風。樹裏河流新過雨。簇簇
芽寒刺水圍。人雙牽臨水邊。艸色離離亂雲綺。令人
疑到渥洼傍。波底風雷闕。龍子細看不是白鼻驢。恐
是當朝獅子花。紫燕纖離各惆悵。其餘駑劣何足誇。
憶昔愛馬不惜千金貨。君王勤政樓頭坐。胡奴黃衫
雙繡靴。廐中騎出樓前過。紅帕初籠汗血香。玉鞭輕
拂桃花破。吁嗟玩物竟何益。遺跡徒使丹青播。只今
烽砲西北來。沙場未聞千里才。千里才固有時回頭
爲問御者誰。君看赤驥與麒麟。挽車太行嶺。心期出

子方脚。脚。脚。駕。韓。項。霜。凋。首。荷。漢。郊。冷。骨。折。秋。風。自。嘯。
影。君。不。見。古。人。養。馬。如。養。士。一。飽。能。原。千。里。志。今。人。
養。馬。如。養。豚。廐。下。常。堆。疾。藜。刺。古。之。良。馬。何。代。無。可。
笑。今。人。空。按。圖。

李攀龍

燕歌行

秋風蕭瑟。吹我裳。蟋蟀寥寥。啼我牀。出門四顧。非故鄉。
誰能容遊。不斷腸。短歌微吟。激繁霜。浮雲千里。一
彷徨。仰看明月。流清光。二十八宿。羅成行。高臺飛閣。
遙相望。河漢縱橫。難爲梁。胡馬北鳴。鴈南翔。憂來不

知從何方。方。懶。懶。伏。枕。聊。自。當。涼。從。中。壽。安。得。防。心。不。
懷。歸。道。阻。長。

白紵舞歌

春日在丹。花落英。吳姬起舞。媚前楹。迴身頓趾。且輕。
纖。塵。暗。曖。不。及。生。投。袂。一。轉。激。楚。成。徘徊。復。進。爲。新。
聲。一。八。斂。手。停。鳴。箏。中。曲。再。變。豪。竹。驚。如。矜。若。怨。意。
未。明。餘。姿。逸。態。猶。縱。橫。妙。技。絕。世。色。傾。城。誰。能。顧。盼。
感。人。情。

賦得金谷園

石家離館在河陽。塔下潺湲蘭杜香。步障連雲圍錦

繡層臺。棟漢號青涼。車騎紛紛綵霧來。後園綺宴掃
 花開。鮮妝一八皆名妓。一一芙蓉護酒杯。光風乍汎
 沙棠枝。小腰麗女翠鬟垂。嬌歌競度思歸引。舞按明
 君出塞辭。誰其侍者字綠珠。搖瑤曳縠間。且都意恍
 崑崙青。窗篠色寒滄海紅。珊瑚新聲曷曷落。梁塵鬪
 寵。情向暮春同時粉黛俱回首。爭道蛾眉不讓人。
 歲歲芳菲私自憐。眼中若個比嬋娟。那能便遣豪門
 去。從此繁華坐黯然。灑淚飛軒羣妾愁。玉顏今日盡
 高樓。徒令碧血埋秋艸。金谷千年澗水流。

才五篇

陰山戰谷。胡天黑。漢兵大呼。單于北。邊秋日落。五
 屯積火夜連千。竈食驃騎橫戈拂鐵衣。悲風黃州白
 榆飛渡河。烏陣旌旗伏。臥壁龍沙鼓角希。征人馬上
 檟枯骨。滿地青霜刁斗發。朔氣遙傳瀚海雲。寒聲亂
 動輪臺月。掩笳騎虜聽垂泣。按劍材官怒指髮。宮女
 琵琶咽。逝波使臣旄節彫。幽居誰能絕漠掃妖氣。哀
 響如今不可聞。六郡少年思轉鬪。挺金猶憶李將軍。

送謝茂秦

孝宗以來多大雅。布衣往往稱作者。謝家玉樹標郢
 音。其曲彌高和彌寡。寓梁曾曳王門裾。游燕欲薦中

涓馬豈無冠蓋映當時。滿眼悠悠世上兒。文章千載一知己。交結何須鍾子期。此物有神兼有分。富貴浮雲不與之。盧楠坐銜越石恩。醉後感激肝膽言。蒼鷹睚眦鸚鵡賦。身挂羅網何由翻。殷憂楚奏秦庭哭。遂雪黎陽國士冤。歸去東將釣滄海。安能貧賤常丘樊。早借江鴻報消息。或臥春雲且故園。

擊鹿行

余往與王生過子與見伏鹿於庭戲相謂曰余將獲徐夫人七首刺此鹿鹿隨之也生不願為我犄角之哉又與王生過子與則子與刺殺此鹿食王生既而宗生亦至相與批脯飲也亦大豪舉哉乃各賦擊鹿行世之

徐卿意氣殊不偶。買鹿百金求其壯。華堂燕客忽自

放。醉把邯鄲鐵七首。須臾擬麟從帝載。游未聞鹿觸何奴走。高材吾黨復誰過。文章矯矯驅羣醜。失日難將四海求。遂來定从諸公手。毛灑旋疑霜雪寒。角摧更見珊瑚朽。玉郎大叫奉銅盤。接飲其血軟以酒。顧我前呼歷下生。與君相愛為君壽。舊時疾足今能否。安得新詩滿人口。須臾碧眼胡兒至。落碁脯腊無不有。下箸已畏翠釜空。纖羨更出青閨婦。衆看机上肉如陵。覆蕉尚在墮中守。嗟乎曲士夢何久。徐卿獨醒可與友。

王世貞

塞刀歌

昆吾精鐵光灼爍。不論風胡手中作。涪江水。涿明月。寒。漢。沿。風。迴。赤。蛟。躍。鋒。光。七。曜。隱。芙蓉。匣。裏。雙。環。隱。龍。雀。少。年。醉。舞。洛。陽。街。將。軍。血。戰。黃。沙。漠。記。取。銜。恩。一。片。心。扶。君。直。上。麒。麟。閣。

才斗篇

匈奴鐵騎動妖氛。大漠金城上屬雲。始。隸。西。宮。程。衛。尉。還。從。驃。騎。霍。將。軍。將。軍。令。嚴。鼓。聲。急。轅。門。夜。寒。才。斗。發。浙。瀝。頻。敵。萬。古。霜。妻。清。坐。轉。三。夏。月。剝。剝。琢。琢。如。有。情。丁。丁。鐫。鐫。咽。復。鳴。初。疑。玉。漏。傳。籌。響。忽。憶。銀。

砧。搗。練。聲。六。邊。健。兒。好。身。手。中。夜。聞。之。氣。盈。肘。四。馬。橫。度。祁。連。道。彎。弓。射。得。單。于。首。絕。塞。惟。言。奏。亂。歌。中原。不。復。聽。才。斗。城。南。少。婦。鬱。金。香。織。卻。流。黃。不。下。堂。願。得。憑。風。試。吹。去。要。知。此。聲。能。斷。腸。

一章
坐有石季倫金谷圖事因與于鱗共賦新體

石家金谷鬪繁華。春風占盡河陽花。蓮雲錦帳五十里。塵角流蘇玉辟邪。瑩蹄快犢夜光銜。平頭小奴火浣衫。君王珊瑚敵不得。七尺神柯產日南。回。鑿。剝。起。清。涼。臺。綺。楫。交。疏。回。面。開。笑。蕩。千。頃。映。朝。日。日。炎。風。

椒香氣來楊柳低。纖姹女支琵琶。小按明君辭。九齊
 芳塵驗履跡。舞罷珍珠第。賞遲急管繁。絃響清漢酒。
 闌。金鈿自凌亂。小婢收將處。仲衣胡姬解。拾安仁。彈
 翻風。退房泣秋艸。綠珠轉眩青春好。回眸一盼光彩
 生。八百蛾眉盡如掃。長安使者日。鼻騎升堂左。顧何
 於誇連枝。分折秋霜手。不入侯門映絳綬。何人白首
 咏同歸。倏忽豪華事已非。惟有殘霞零落處。至今猶
 似隊樓時。

孤鴛篇

水石齋中。小池鴛鴦忽去。其
 雌曹生子。念命余作孤鴛篇。

摩訶池上兩鴛鴦。和鳴交頸共翱翔。一朝雌去不相

待。卻使雄栖欲斷腸。不學秦家蕭史妃。翻成漢代
 臣妻去。似妖媚歸北里。留如茂客滯遼西。生計妻亦
 狂癡待。主人恩重心難改。顧影猶疑怨。耦從聞門自
 愧空名在。碧行芳萍夢已虛。紅顏繡羽漸凋疎。枝頭
 恨殺連理樹。水底生憎比目魚。失天獨鴈聲相亞。臆
 中清淚如波瀉。已令明月不成機。復遺寒霜摧半瓦。
 總為情淡有別離。他生未是此生非。孤魂倘傍韓憑
 墓。依舊雙雙一處飛。

落花嘆

歎落花。花落何飄零。在風如剪刀。越羅綺縠不勝情。

蹀躞灞陵陌。滌洞御溝水。落花欲有陳。狂風殊未已。
嘆落花。掩淚辭故枝。故枝同根蒂。片片各分離。只今
踪跡無處所。憶昨容華能幾時。歌落花。莫咨嗟。請說
上苑千條綺。請說河陽萬樹霞。七害儲香金平脫。九
華步障玉辟邪。標題玳瑁雙牌小。承日流蘇八字斜。
誰不暫緩青絲絡。誰不暫住七香車。香車絲絡春相
待。弄態流驕死如在。只道朱顏日更新。那知轉盼思
仍改。歌落花。君歌未闕。攢我鬢。昭陽婕妤好漢使。郎
鄂斯養趙才人。空將今日。今年舊。難擬來年。來日新。
東隣小娃纔十五。恰似芳苞未曾吐。已饒花落不關

愁。又道花開為誰無。還逢十唱落花歌。蕭蕭寒烟
翠蛾惆悵。不堪臨鏡意。自憐二月夢中過。

甲戌春暮再入都慈善果寺逢杏花作

東風吹車入精蘭。長鐘數杵雞聲殘。龐眉老僧來攝
客。慈雲齋春春未闌。牆頭杏花一樹白。於霰時有流
鶯啄。花片我自驚逢。今日花花應不記。當年面莫言
花落不如人。人老能如花。更春唯有江頭綠。花使祇
今還作踏花身。流鶯欲答忽飛去。恍忽如歌舊游句。
但使新豐酒價平。老夫得在聊須住。

贈梁伯龍北游歌

伯龍七尺蒼髯虬。菰蘆不散英雄愁。慨然揖我渡江
去。欲捲長虹天際頭。東連海岱西二華。黃河一線中
間流。燕趙悲歌酒人得。原嘗俠節眉頭識。須留國士
徑寸心。肯博侯門萬金壁。荒州猶塵碣石名。浮雲立
變華陽色。歸來咲謂宗少微。汝曹匏繫終何依。男兒
有足不立稿。人鷄大鵬俱飽飛。

歌贈穆敬甫員外

穆生不惜王家醴。卻惜申公困疋靡。自言一寸已許
入。六尺何妨爲人奴。白晝閭闔風雷寒。解衣爲掩血
肉殘。卽賣修行里中第。還懸神武門頭冠。手挽梁車

出西郭。朝煮餽糜夕湯藥。已拚同日效左儒。差比
山勝羊角濁漳河。邊逢石郎嗷咽爲我談。行藏此身
係穆不係石。欲報滄海恩難量。君不讀西京游俠篇。
東京黨錮傳。若曹名使那足羨。男子虜心不爲君。北
風立洗青天面。

文皇御槍歌

相傳 文皇御槍在午門中樓

舖座之右甲戌仲夏六日世貞
以朝退借其條得寓臣焉槍以漆攢竹爲
柄有黑纓懸黑旌若旆帶者中繡列星之
屬槍柄爲刃痕者三旌爲矢穿者五按記
稱之 文皇每遇大敵輒章號號衝中堅統
出敵後舉旌颺之士爭奮敵輒大潰此卽
所執銳也其明年茲日卽鎮追成一歌以
紀其盛

天欲大統歸。文皇健兒插羽起。冀方隆準重瞳美。
 髯秀如雲黑。幟綠沈槍。幟尾絨排七曜色。槍火鐵浴。
 九秋霜。母論此槍丈二尺。尺又能為萬人敵。燿如掣。
 電長繞身。身若修蛇。四生翼銜枚直透。淡陣後。立表。
 時懸伏兵色。白溝河潰。呼吸中。金陵鐵甕無堅墉。保。
 兒身手豈不健。凡介豈敢追真龍。紫茸甲彫赤驃。成。
 若論元勳此槍耳。貫鏃中穿懸昧白。捍刃痕多斷鱗。
 紫星斗長依。黼座邊。虹霓不吐。太平年。寧如漢祖斬。
 蛇劍。武庫風多遠上天。

奇石歌和穆敬甫憲副

女媧補天煉不盡。錯落五色堆人寰。堯波九載滌。磊
 塊秀出神谷爭。巉巖崑山大巧靈。壁頑公麼瑣屑凡。
 案間不見洞底高峰一百尺。萬古長含太虛瑣。誰令
 壯士擲天外。添汝遲鴻臺畔色。縈雲欲霧作變龍。障
 日。撐空饒定小。穆子振奇者。拜之不肯遽。卅卅。磬折
 簪笏拖朝紳。自言生平石交唯。石君今復得此石。丈
 成三人拜起呼石丈。汝總峻角裂缺吾不嗔。愛汝蒼
 蒼貌。殊久何似生人老少成。好醜愛汝冰雪長相守。
 何似百卉春榮見。霜栲愛汝不笑復不言。何似當面
 輸心背。面詬愛汝不頌復不次。何似狂飈靡州波。立

走石丈不肯答。王子為代之。昔在長慶時。牛家李家
大參差。我獨稱上客。隗俄其間不見疑。王生謂石丈。
當時樓護亦如是。卻恠平泉汝。曹一小弟。今年酒價
亦太貴。奈何醒我。使我不得醉。穆子蔓村歌。烏烏汝
能出聲。一和無。毋論穆子癖。且孤。王生亦有愚公愚

醉茶軒歌為詹翰林東圖作

糟丘欲頹。酒池涸。嵇家小兒厭狂藥。自言欲絕歡伯
交。亦不願受華胥樂。陸郎手著茶七經。卻薦此物甘
沈真。先焙顧渚之紫筍。次汲楊子之中冷。徐聞蟹眼
吐。清響。覺雀舌流。紫馨。定州紅。瓊玉堪妬。釀作蒙

山頂頭露已令學士。謔說家。復遣嬌娃。字純素。一杯

一杯殊未已。狂來忽鞭玄鶴起。七碗初移糟粕腸。五
絃更淨琵琶耳。吾宗舊事君記無。此醉時覺知音孤。
朝賢處處罵水厄。僉父時時呼酪奴。酒耶茶耶俱我
友。醉更名茶醒名酒。一身原是太和鄉。莫放真穴工落
凡有。

醉絲太初墓

必不心絲與子。生不心必。父與祖突作。憑陵千。其人依
然實實。一杯土道場。山陰五十秋。那能華表鶴來游。
君看太華蓮花掌。應有笙歌在上頭。

明詩正聲卷之五 終

明詩正聲卷之六

漆園 穆光胤 仲裕 刪訂

澶淵 陳素蘊 仲獻 校刊

七言古詩三

穆考功 諱文熙

寶刀行

君不見昆吾精鏘出水中昔人採之付良工鑄成莫
邪與干將能割犀象與蛟龍我性好奇嘗慕此百金
幾覓邯鄲市紛紛鉛刀多誤入那堪把向風塵裏有
客新從南海至寶刀贈我特奇異出匣似見走白螭

拂拭真看驚魃魅。我聞此刀自倭奴。年年一次付鍊
爐。刀成常帶鵬鵠盟。往往六丁爲夜呼。倭奴恃此器
精絕。臥起相隨時。日擊昔時渡海犯三吳。十年江漢
皆不血。嗚呼此刀真稱寶。離分壯士傷懷抱。但使提
携萬里行。九塞風烟那足掃。荆軻人關事不成。白虹
貫日枉得名。把刀時向膝前看。但願人間萬事平。

奇雲歌

夏月已盡秋欲始。伏暑薰人猶未止。青天浩蕩燭龍
飛。奇雲突兀南中起。淡若浮烟濃爲墨。倏忽更作黃
金色。奔如馬。今蹲如虎。森如戟。今張如弩。雲夢瀾漫

巫峽高。沅湘騰沸妖蛟舞。一峯獨聳千峯上。閃閃
明藏雷。電眼見黃尤。掣火旂恍如鉅鹿相攻戰。而地
垂天。徒自淫四海。那能借作霖。蘋端時起大王風。俄
然萬態盡銷沈。野父臺前時自望。支願坐倚蒼藤杖。
變化但勞指顧間。造化小兒真幻妄。

紫騮馬歌

吾聞天馬產白渥。注裏究駒沫赭行千里。圖經形貌
不可見。今之紫騮母乃是。毛赤尾黑。意勢豪昂。首振
鬣時。咆號雙瞳夾鏡捷。有神四足滅沒。迅若翺呼。嗟
此馬真絕羣。垂稍植髮附蘭筋。肉質何數鐵連錢。凡

材俗殺五花文。良馬自古稱難得。即有馬兮人不識。
所以良馬比才士。世俗那解為奇特。紛紛紫燕為上
駟。跼踖轅下無餘力。龍廐徒糜太倉粟。鉤陳枉負黃
金勒。況是疆場已和戎。闔外不復論戰功。羈縻相安
為上策。華山戰馬眠秋風。紫駟絕足安用哉。獨向空
山嘶草萊。

鬪鷄行

五陵公子豪俠士。英風千載傳昔史。黃金買鷄求善
鬪。馬上抱過新豐市。兩雞相見夙無因。何為當場節
怒起。牽翻毛羽落花飛。批殘爪蹠珊瑚毀。鬪罷淋漓

血滿翎。勝有生氣敗欲死。勝敗俄分指顧間。觀者一
笑俱已矣。感嘆物情何太癡。負氣不平乃至此。因知
世事有紛爭。往往不悟亦猶是。夫差爭雄黃池間。楚
圍日鬪漢江涘。六國連雞仰攻秦。芥羽金距李邵氏。
吁嗟爭鬪欲何為。到來終歸笑談裏。吾觀莊叟達生
篇。養雞獨有紀消子。憍氣不動成木雞。他雞望之自
披靡。乃知好勝常不勝。不勝方能得勝理。

捕兔行

有客豪俠殊不偶。逐兔時出東門走。鞞邊自臂兩蒼
鷹。狡兔期令皆授首。十月草枯兔正肥。蒼鷹鸞上午

方饑馬前一兔俄奔起。一鷹下擊有餘威。酒血空中紅雨零。拉毛原上雪花飛。兔躍已就獲。豪客鼓掌盡咋咋。夏向長隄探二窟。還從南陌歷東陌。落日行盡郊原道。狐兔潛蹤惟秋草。一鷹聊得試搏擊。一鷹望日常矯矯。六翮徒含紫塞風。雙足空縮黃金爪。養時不厭肉食多。用處寧知原獸少。古人用材皆稱事。鷹多兔少深所忌。會稽復仇憑范蠡。長洲狐兔盡擊死。韓信獨登大將壇。中原狡兔皆已矣。鷹揚才俊豈須多。用才不盡反蹉跎。

李先芳

畫鳩

有鳥有鳥集庭柯。一鳴一答聲相和。春風捲入丹青手。翻作白鳩舞。歌白鳩知春復知曉。聞關紅樹枝。裊裊哺食能令七子均。逢時夏報三農早。炎洲翡翠毛最奇。隴西鸚鵡舌偏巧。玉樓空飾美人粧。多材不得山中老。

江都觀泛龍舟

隋煬昔日開宮殿。鑿破長淮入汴。二千麗人纜錦帆。漫看龍舟青水戰。至今午日有此風。鼓吹連江疾如箭。船頭爭得錦標歸。棹歌唱入蘆花岸。岸上人烟

羅綺輕望見錦標觀笑聲五月鱗魚白如雪青錢沽
酒烹魚鱉遊人日暮臥江干夢到鄉園過佳節

賦得楊花篇再贈陳于詔

長楊宮中楊柳花散入春風十萬家都門有客乘春
下萬縷千條拂去車千條萬縷綠烟絲帶雨含愁疏
地垂無數黃鸝啼不盡爲君翻入渭城詩君去長安
幾千里兩岸垂楊渡江水馬涉盧溝首重回二月燕
京燦如綺楊花飛送潞河津化作浮萍間綠蘋他時
水上如相遇嗟爾東西南北人

鼓劍歌

寶劍初發劍羅冶琤琮鳴淬以鵬鵠冰霜明白叮嚀
天東南傾山可銑兕水掣鯨夜行魍魎魍魎驚如來
再拜獻天子賜名太阿蒼龍精一十八年帶上殿置
之香案于列星一夕按劍召猛士咨爾提向淮陰市
淮陰市上惡少多鉛刀揮霍爭盪摩猛士鼓劍起而
作歌境中一統漢山河沙磧無塵海不波鑄金賣劍
銷兵戈天生神物柰爾何魚皮囊刃日摩挲風塵瀕
洞雷電過光怪夜泣雨滂陀吁嗟乎天生神物柰爾
何

薊門凱歌

明詩正聲

卷之六

五

奎文館藏

漢家邊防重東北。爪牙虎豹當關扼。天子登壇剖玉符。元戎受服披金革。細柳新頒戰士袍。羽林爭射轅門戟。秋高太白莽蕭蕭。雲起旌頭風索索。萬騎趁趨太乙軍。六韜決勝先天策。刀斗聲喧殺氣腥。銀鎧光寒秋草白。烏號對挽綠沈弓。飛黃併逐連錢鐵。管籥蚪蚪夜飛霜。劔擁蓮花朝帶血。胡虜憑陵候月生。沸空鼙鼓雜金鉦。旌旗絡繹陰山暗。殿火砰礮瀚海驚。天狼一射妖星滅。海鯨遙掣塞垣清。頡利首傳丹鳳闕。單于面縛白登城。殺狐嶺上烽烟斷。一掃秋風古北平。

依靜一室。貧賤自安。爾何憂。禍福自當爾。不愁百年世事各勞逸。忽覩鏡中齊白頭。我養心神爾不悟。我還造化爾俱休。問答入微乃見道。陶潛異代神同遊。彼此相忘但沈醉。卧榻焉知有天地。

送楊伯玉歸涇陽

鳳皇城南楊柳絲。當春裊裊牽別離。古人折贈意偶爾。至今千里傳相思。風吹柳花正西去。黃鸝喚春春不往。落日關河悵遠人。青絲白馬歸三秦。壯年不嘆功名薄。獨將寶劔隨風塵。有時大笑對樽酒。七雄能戰不能守。燕昭之策非遠圖。空使黃金高北斗。君冷

落落誰見知。豈向滄浪隨釣叟。秋來水上烟雲重。慎勿濯足驚魚龍。

盧枏

送李性菴還任丘

燕郊十月飛胡霜。臨岐送子各盡觴。腰間笑解延陵劍。雪花墮地蛟龍翻。都門佳期那可願。相思開遍二花樹。歸時倘遇浮丘公。為余接引嵩高去。

寄謝四溟

海木飛動凌三山。巨鼇出沒流其間。人生風波有如此。颯颯秋風凋玉顏。魯連自是紫烟客。個儻長揖二

千石。一朝談笑解聊城。東入滄溟渺無跡。

東曠行

暮秋搖落金井煙。瑤窗月出愁無眠。諸君四座且勿嘆。聽我試歌東塘篇。東塘春風樂遊冶。寶帶螭盤驕白馬。朝從狡兔上闌東。暮鬪金雞長于下。儂家繡被金錯牀。逢迎七十紫兜央。生來孱小無人見。豔者荷花嬌上妝。錦瑟春生鳳皇柱。翠袖香凝蛺蝶縷。浮雲小駐緩聲歌。花葉驚翻垂手舞。眈眈流波媚笑顏。此時恩愛比南山。那知輕薄易年少。一別迢迢隔玉關。儂心歷落如秋草。西風吹折江南道。江雲斷盡君不

明詩正聲

卷之六

八

卷之六

來會使蛾眉待君老東家買得錦鱗魚中有傳情尺
素書君身亦是臨江客何惜相思一字子機中罷却
杯黃織為恨東塘淚霑臆寄語春陵遊俠兒莫學東
塘負傾國

宗臣

湖上幽樓一章為沈一丈賦

主人結屋楚江曲身披薜荔坐空谷青天雙眼望鴻
鵠春風一夜開石門萬里靡蕪散新綠

二

瑶天露白彩雲沒細掃青松烹紫蕨中夜星臺濕

波聞古龍忽啾啾人在滄江弄明月

古劍篇

嘉靖丙辰十月吳郡王君世貞由比
部郎中出為東副使督戎青川其
友人廣陵宗臣贈古劍一口又為之
賦以遺之其詞曰

赤董使者昆吾子碧眼炯炯虬髯紫手持雙劍下山
麓上有蛟龍缺其齒道上相逢忽相贈怪雲悲風生
席几胡僧為製珊瑚鞘南海琅玕襲其裏佩之朝夕
不離身北遊燕趙南江汜江上秋風倚劍行波濤上
沸如山峙老鯨毒螭數千尺金甲火鬣中湧起刺來
一一烹其髓鮫人終夜泣瑜珥况復山中豹與兒又
况人間鹿與豕自吾佩此二十年處處江山半戎壘

明詩正聲 卷之六 全文 舒藏

明時不得抱鼓旗，腐儒復空談。簞食國讐言，未報壯士
恥。永夜高歌常拊髀，劍乎劍乎吾負汝。吾今有友吳
郡生，紫豕朱纓乘駮駟。青天開府泰山巔，落日飲馬
蓬萊汜。吾解一劍贈生去，星辰亂落蒼不止。生乎生
乎吾語汝，左挾圖書右弓矢。豺狼只在大道傍，魍魎
豈必深山裏。生乎此劍一在握，上天入地任君使。只
恐風雷日日生，海上千關盡掩耳。天吳海若俱遠徙，
真宰聞之或不喜。嗚呼古來神物有離合，斗間紫氣
無終始。他日中原倘相遇，雙劍雌雄各相砥。與汝並
驅千萬里，世上風塵空復爾。

一 華篇

嘉靖丙辰九月，月濟南李華龍由順德守，擢為陝西提學副使，余為之賦二

華篇夫二華西北巨鎮也，往歲秦地大震

山缺河溢壞廬，仆入二千里，人煙幾絕，則

二華之故乎？君在矣，即二華猶有不若者，君何辭焉。

我聞西極之精，忽墮地化為巨石如天長。孤根倒插
黃河底，奇峯直聳天門旁。天門牛女不敢渡，斗城羲
龍那得翔。上帝聞之惡其疆，擊為二華遙相望。大者
西少者東，千崕萬嶺盤晴虹。東來不得數秦岱，西去
那復誇崆峒。中有紫髯白哲三五公，手持綠玉披芙蓉。
有時躡大跨，白鹿鎮日鞭石揮青龍。零露不斷仙人
掌，古雪常吹玉女峯。忽見悲風萬里來，蒼螭赤蛟

明詩正聲

卷之六

十

全文 舒藏

何雄哉。金鱗乍開似飛電。怒角並聞如奔雷。驚沙飄
 忽天柱動。狂飈迅急坤軸摧。玉女散髮亂峽走。仙人
 赤脚滄海回。地顛山愁千萬里。奇峯片片下沈水。黃
 河直上峯頭坐。忽散人家室屋裏。往往屋上游。赤鯉
 千門萬戶半作鬼。廣厦高堂盡成土。白日不聞父老
 哭。青天唯見魍魎舞。一華一華誰能主。我聞李侯佩
 玄珠。截日飛霜天下無。侯兮躍馬函關去。豐隆招搖
 為前驅。千峯明月亂相逐。萬里白雲驚且呼。侯之往
 矣何為乎。為我停車華山隅。手挈蛟螭山下趨。仗劍
 一一數其辜。山之推者叱其立。黃河在手如持盂。山

上芙蓉色不枯。仙人玉女復來吹玉竿。侯也與之相
 相須。千秋萬載同歡娛。侯向一華去。聽予一華歌。一
 華未到歌先到。石走龍吟侯奈何。

吳國倫

重過蘇門即事

太行出雲雲盡黑。一雨須臾山更色。偶自西河遡衛
 源。寨帷已入周鄘國。鄘國如丸彈九州。雲林窅窅山
 蹊仄。村疇迴薄小江南。井邑蕭疎自河北。其伯道遙
 失歲年。孫登坐嘯凌蒼烟。仙人不作名山主。終古蘇
 門抱百泉。百泉礪底珠花旋。燭地涵空一鏡懸。有客

臨流不敢照。若遊綠鬢今華顛。

詠史

垓下潰圍尚有馬。烏江問渡亦有船。帳中悲歌美人泣。白戰非力亡非天。君不見會稽城懸太守頭。吳中豪傑從西游。瞋目叱咤千人廢。二年自將五諸侯。又不見新安十里阬。降卒咸陽屠盡義帝逐。白骨為山血為海。風雨冥冥陰鬼哭。吁嗟乎悲哉皇天好生汝好殺。萬姓無聊一儀狹。一秦方滅一秦興。何人不慕三章法。赤帝長驅縞素師。非復鴻門謝羽時。匹夫誤學萬人敵。五體橫分漢壁馳。亞夫七十好奇計。曾望

天子氣不及外黃舍人兒。片言立使重瞳畏。

徐中行

送張中丞還山曲一首

風雷一夜摧西嶽。千里塵飛渭河濁。但卧南山自堪樂。笑殺漢代飛將軍。猶把封侯問王朔。

二

四旬已稅長安轂。萬事不問君平卜。且醉山中酒千斛。不見君家漢子房。朝封留侯暮辟穀。

屠應峻

贈吳山人擴

山入出山何所適。來作長安五侯客。攜藻朝飛北海
雲。磨崖夜泣南山石。長安二月花滿烟。意氣翩翩俠
少年。千場博戲章臺下。百發烏號細柳前。山人敝衣
衣後穿。拾謁欲向何人憐。投玉委玉盈尺箋。饑來不
售囊中錢。短歌爲君君自慰。且拂琅玕謝時貴。王生
解襪只自嗤。世間那有張廷尉。

王世懋

人日索考功見過留酌小窻前酒酣放歌

今年人日百不娛。客遊金陵家在吳。金陵春事亦不
薄。有官何似當年無。清溪館前日欲哺。誰其過我哀

大夫宮是舊日高陽徒。十千斗酒不用沽。牀頭春
足百壺春。盤未倒綠牕莫春陰。滿地雲模糊。渡口桃
花未著葉。門前楊柳難藏鳥。金陵少年紫驪駒。有酒
只過秦羅敷。那知晚晚日易徂。二十之年二月過。二
毛便欲侵頭顱。男兒纔挂馬曹笏。河山已隔黃公墟。
仰天且莫歌嗚嗚。樽中酒盡可復呼。霜落烏啼更明
日。推肩還向府中趨。

楊于庭

贈穆仲裕

尊公已逼黃初作。公子青年轉揮霍。丹山產來五色

毛大治躍出千金鏹。書法為換山陰鵝。仙姿壁畫之青
田雀。落紙鍾籀見後身。題詩李賀猶前卻。跌宕翻愁
白岳低。飛騰直向青雲薄。張旭草字醉濡頭。馬融談
經暑赤脚。天馬行空豈可駢。神龍出水不受縛。擲地
能為金石聲。逢人但覺珠璣落。吾道憑君幟共懸。不
才愧我鞭先著。遮莫陽春和客稀。休教明月投入錯。
老我能酬鸚鵡杯。勸君早止麒麟閣。莫將野鶴獻家
鷄。吏部文章亦不惡。

李化龍

古行路難

崑山春中一片玉。精光萬丈天相屬。珠為寶玦奪
工。面面連環斷復續。獻君聊用表同心。豈料非君心
所欲。投淵抵鵠猶自可。泣血未盡別吾足。世間萬事
誰能定。臭腐神奇遞相勝。西施負薪媼母抱。百口自
明誰爾聽。有色豈必住金屋。有才豈必食天祿。孔聖
不王麒麟死。何況我輩區區爾。

五丁峽行

九奏鈞天天帝醉。秦公逃入咸陽獻。踐華因河未快
心。後來夏略秦叢地。天生安得有金甲。詭原來策
士謀。五丁鑿石千戈入。從此秦封跨益州。噫噫五丁

明詩正聲 卷之六 李化龍

誰爲乎。天遣西南入版圖。文翁教化相如論。一日聲
 名遍八區。憶昔秦皇漢武亦奇才。拓土疏疆萬里開。
 玉關閉後朱崖棄。四海爲家安在哉。我上蜀山望京
 關。煙霧茫茫見窮髮。岷江一線擊三湘。雪山高映峨
 嵋月。峨嵋月。古今在。天地無情人代改。不見芙蓉種
 錦城。但看烽火連雲海。西極高懸太白星。夜寒天外
 倚青萍。待予靜掃蠻烟後。再冶黃金鑄五丁。

睢陽行

唐家五葉妖氛起。燕入昭陽成禍水。幽薊胡塵動地
 來。下殿居然走天子。千乘萬騎出秦關。宛轉荒坡委

王顏。空屋佳人難並老。何況神州禰海間。河南河北
 風煙動。家家牛酒爭相送。時平奸佞盡侯王。一朝緩
 急誰爲用。此日賢哉一大夫。同向睢陽翼帝圖。勤王
 豈待尺一詔。忍死猶揮丈一戈。因守孤城三百戰。積
 骸成山心不變。坐令雀鼠盡成空。肯留僕妾生相見。
 帳前罷虎總成羣。誰其著者南將軍。嚼指感人人不
 動。飲血哭天天不聞。力盡勢窮甘授首。一笑浮生夫
 何有。英名萬葉訝初聞。戰骨千年香不朽。從知人世
 有興亡。每經此地一沾裳。天清野曠愁雲起。遙向忠
 魂酹一觴。

明詩正聲五言律詩目錄 凡三卷
第一 二十九家共五十八首

高啟	五首	楊基	三首
張羽	一首	徐賁	一首
倪瓚	一首	張以寧	一首
汪廣洋	一首	劉基	一首
林鴻	六首	袁凱	二首
詹同	一首	甘瑾	一首
姚廣孝	一首	王偁	一首
王恭	一首	李禎	三首
王九思	二首	徐禎卿	二首

明詩正聲

五言律詩目錄

奎文

明詩正聲

卷之六

其

奎文

邊貢

六首

孫一元

五首

薛蕙

四首

王廷相

一首

孟洋

一首

楊慎

一首

文徵明

二首

王寵

一首

華察

一首

袁孝

一首

王廷陳

一首

第二

五家共八十八首

李夢陽

二十四首

何景明

十六首

李攀龍

十八首

王世貞

十八首

謝榛

十二首

第三

二十四家共六十七首

李先芳

五首

穆考功

七首

石星

二首

王世懋

三首

盧柟

一首

宗臣

八首

吳國倫

八首

徐中行

三首

梁有譽

二首

皇甫汸

五首

蔡汝楠

三首

張佳胤

一首

張九一

二首

黃姬水

一首

王問

二首

馮惟訥

二首

陸師道

二首

劉鳳

一首

黎民表

一首

歐大任

一首

李化龍

三首

朱宗吉

三首

于若瀛

一首

王穉登

一首

右通得五十八家共詩二百一十三首

明詩正聲五言律詩目錄

終

明詩正聲卷之七

漆園

穆光胤仲裕

刪訂

澶淵

陳素蘊仲獻

校刊

五言律詩一

高啟

春日退直呈禁署諸公

待詔直東華。歸休每日斜。職連詞客死。俸入酒胡家。
簷網長縈絮。庭磚欲過花。知君未出院。憑誰侍巾麻。

送曾主簿之平樂

路出桂江東。鄉音想未通。蛇飛山苦霧。鵬運海多風。
木魅長欺客。花蠻少學農。縣廳何處在。椰葉鉤陰中。

客館秋懷

獨臥愁空館。牆陰野豆開。暑將湖氣歛。秋與竹聲來。
身賤多違志。時清少棄材。慙非張仲蔚。門戶有蒿萊。

喜了上人見過

幾時西澗別。愁喜過家園。澹泊林間供。虛空世外言。
豆花零晚架。瓜蔓絡秋垣。莫厭頻相顧。衡門久息喧。

郊野雜賦

野色迥蒼蒼。開門葉滿塘。僧來雙屐雨。漁臥一船霜。

靜裏修香傳。閒中錄酒方。平生當世意。到此坐成忘。

楊基

江村雜興

將雨山光黑。初晴樹色青。賣薪沙店遠。占穀瓦甕靈。
石枕支頤冷。江瓢漱齒腥。醉餘春睡熟。長得鳥呼醒。

秋日郊居

漸老愛秋光。升沈意兩忘。鴈聲偏到枕。蟲響故依床。
薜荔千林雨。芙蓉一樹霜。故園叢菊在。衰颯爲誰香。

嶽陽樓

春色醉巴陵。闌干落洞庭。水吞三楚白。山接九疑青。

明寺... 卷之七... 全文... 信...

明言正聲 卷之七
空瀟魚龍舞。娉婷帝子靈。何人夜吹笛。風急雨冥冥。

張羽

贈僧還日本

杖錫去隨緣。鄉山在日邊。遍參東土法。頓悟上乘禪。
呪水龍歸鉢。翻經浪避船。本來無去住。相別共潏然。

徐賁

兵後過罽亭山

罽亭西去遠。一過一凄然。鴈宿蘆中月。人歸州際烟。
漁家多近水。戎壘半侵田。尚喜餘民在。停舟問昔年。

倪瓚

賦德機徵君荆南精舍圖

結蘆溪水南。睽處足幽探。夏果落山雨。春衣染夕嵐。
石歌招鶴磴。門俯射蛟潭。日日繁歸夢。蕭條雪滿簷。

張以寧

舒嘯軒

幽居蒼竹林。詠嘯白雲岑。自出虹蜺氣。人聞鸞鳳音。
野烟喬木晚。江雨落花深。亦有東臯興。何當一抱琴。

汪廣洋

月夜同諸友酌

休撥紫檀槽。且傾黃濁醪。涼天兼得月。我輩復持螯。

明詩正聲

卷之七

三

全宋文 官箴

彭蠡一杯大匡廬半壁高。竹林瀟灑地。應有醉山濤。

劉基

古戍

古戍連山火。新城殷地笳。九州猶虎豹。四海未桑麻。
天迥雲垂岬。江空雪覆沙。野梅燒不盡。時見兩三花。

林鴻

出塞曲

單于秋近塞。驃騎遠臨邊。吹角風沙動。揚旌日月懸。
驚鷗防獵箭。戰馬識烽烟。昨夜旄頭黑。前軍得右賢。
月

玉宇淡悠悠。金波徹夜浮。寂憐圓缺處。曾照古今愁。
風露孤輪影。山河一氣秋。何人吹鐵笛。乘醉倚南樓。

題碧蘿山房

一入烟蘿去。終年獨考槃。竹泉宜夜聽。松月耐秋看。
桂酒邀佳客。荷衣護早寒。向予相顧笑。持贈碧琅玕。
憶浮丘生

瘴海民風異。炎荒客路難。午深猶見霧。臘盡不知寒。
蚌月開晴島。蛇珠射暗灘。君夷雖可學。懷土淚闌干。
江上寄巴東故人

我憶巴東客。長爲江上吟。楚雲將夜夢。湘月寄愁心。

明詩正聲

卷之七

四

奎文官

落日青楓樹。秋風白帝砧。遙傳一紙淚。讀罷想沾襟。
送書戶侯伯俊

青山暮候印。弓劍挂南垂。月滿氍毹帳。雲閒翡翠旗。
林花春載酒。園竹曉彈碁。不獨龍韜熟。文章爾更奇。
袁凱

題西山蓮法師壁

少離身毒國。老去住精藍。弟子傳燈去。山靈入座參。
猿啼雲外樹。龍臥石邊潭。更欲聞清梵。空崖下夕嵐。
京師歸別墅

政拙辭驄馬。身閒問綠蓑。此生人共棄。長日自行歌。

野圃啼鶯滿。春江鬪鴨多。黃家酒壚近。風雨亦相和。

詹同

寄方壺道人

海上神僊館。天邊處士星。臥雲歌酒德。對雨著茶經。
石洞龍嘘氣。松巢鶴墜翎。都將金玉句。一一寫空青。
甘瑾

題柯梅閣山居

迹不到城市。逢人無厚顏。一瓢風外樹。雙屐雨中山。
流水春喧碓。歸雲暮掩關。憂時心未已。祇益鬢毛斑。
姚廣孝

題張山人適樂園林館

開牖依林樾。迢迢去市遙。翠低承雨竹。綠碎受風蕉。
夕嶺還侵戶。春溪欲斷橋。主人緣愛客。時寫出山瓢。

王偁

送李校尉致仕還江左

雄劍委龍鳴。關河白髮生。功成百戰後。老去一身輕。
夜月桓伊笛。秋風驃騎營。燕歌何處寫。曲罷有餘情。

王恭

昭君怨

掩淚向邊州。君恩此日休。身隨胡地遠。心是漢宮愁。

鴈塞春難度。龍堆州易秋。玉容何足貴。翻作羽林羞。

李禎

送友人南歸

離絃兼楚詞。不向醉時聞。連歲長為客。他鄉更別君。
鷗波明夕照。鴈字寫秋雲。迢遞還鄉夢。相隨過海門。

周原幽居

山色蛾眉秀。江流燕尾分。亂蟬吟落日。獨鶴引歸雲。
黃葉溪邊樹。青帘雨外村。興來留客坐。隨意倒芳樽。

喜張進士叔豫見宿旅舍

窮巷寂無隣。青燈共故人。遠聲霜下磬。孤影客邊身。

露冷蛩相弔。庭寒月自親。殷勤一瓢酒。更與話酸辛。

王九思

許西莊春日行樂詩

金馬當朝彥。銀魚隔歲焚。高樓丹鳳麓。閒臥碧山雲。
湘瑟春風度。秦箏月夜聞。太平無一事。只合醉朝曛。
數日不至園亭寄鶴

一與胎僊別。塵居十日過。樓知依竹慣。聲憶入雲多。
萬里心應在。三山路幾何。洞簫明月夜。來看舞婆娑。

徐禎卿

在武昌作

洞庭葉未下。瀟湘秋欲生。高齋今夜雨。獨臥武昌城。
重以桑梓念。淒其江漢情。不知天外鴈。何事樂南征。

過黎雲精舍

遠師耽宴寂。跌坐石牀涼。留客開香積。談玄就竹林。
煙藤結膜翠。雲磬下空音。淨現青蓮色。縣知出世心。
邊貢

恭陵供事述感

皇寢居庸近。山溪地轉饒。雄關三鎮鎖。幽府百靈朝。
倭埃烽全息。屯兵甲半銷。帝心遙可識。終古絕天驕。
贈何子元

明詩正聲

卷之三

卷之三

萬里窮邊使。三秋出井陘。金鞍裝寶絡。班管代青萍。
吏識終軍貌。人瞻博望星。歸來市駿馬。持節報明廷。

懷昌毅大理

孺子南州彥。詞華早擅場。共憐廷尉府。祇益簿書忙。
宴。鏡愁鸚鵡。鹽車因驢驢。何時一艇去。與爾泛滄浪。

白泉王子山居相近次韻奉呈

爾能耽野趣。吾亦愛村居。白屋情偏好。蒼山畫不如。
桑麻通雪徑。鷄犬接烟墟。歲勉青藜在。相過且校書。

送董舅氏

暑雨曉初晴。山泉落澗清。一杯燕市酒。十載渭陽情。

龍引牽遙夢。江花伴獨行。亂蟬無意緒。爭向別時鳴。

廣川舟中與東橋酌別次韻

共脫風前帽。還披月下襟。乾坤萬里別。江海十年心。
越鳥枝難共。湘魚帛易沈。相逢畏相失。延滯綠溪陰。

孫一元

翹來雨初霽。烟火隔林微。一徑牛羊入。孤村桑柘稀。
長。天下遠水。積霧帶崑扉。月黑聞人語。溪南種樹歸。

西湖

十里山如拭。西湖背郭流。僧歸虹外雨。雲抱水邊樓。

春事多逢醉。歌聲半是愁。獨憐垂釣者。吾欲共滄洲。

宿歸雲菴

獨坐山中寺。境閒真意存。瓦燈燃石壁。松葉暗柴門。
夜久無羣動。詩成偶自言。上方鍾意早。山月落前軒。

幽居

自得竊通理。幽居不誤身。清泚梳石髮。遠霧看山中。
竹上僧留偈。庭前鶴近人。科頭坐終日。吾自愛吾真。
鄭繼之地官久不過湖上奉簡

恠爾狂吟客。不過湖水濱。寧遭官長罵。莫得野人嗔。
雲外烏藤杖。水邊白鷺巾。相看只自好。空送月華新。

薛蕙

臺上

臺過通風榭。窗虛近水城。卷簾殘暑去。攜手勉涼生。
碧樹藏雲暗。銀河渡月明。醉來愁鬢髻。只作畫中行。

寄孫山人

吾隣孫處士。萬里狎滄波。海色占龍臥。天風聞鳳歌。
誰言竄身遠。尚畏取名多。相望冥冥外。虞人柰爾何。

村居

寂寞村居僻。荒蕪州徑淺。飛蓬來曠野。啄木響空林。
薄暮聊凝望。清江正苦吟。此生甘落魄。自笑果何心。

七夕

七夕新秋節。雙星舊會期。鵲橋貪渡早。鳳杼畏拋遲。
月下聞仙佩。雲中望翠帷。長門當此夜。定自泣蛾眉。

王廷相

齋居

齋沐依淡省。秋宵靜不禁。螢疎時度閣。鵲暗忽驚林。
漫有梁臺夢。其如魏闕心。乾坤隨去住。碌碌歲年侵。

孟洋

懷張仲修

驄馬風沙客。懸河意緒餘。千人窮稷下。一辯屈田巴。

楊慎

硤石道

石壕環陝驛。澗水帶峭關。東望封泥谷。南連積甲山。

秦輪無隻返。趙壁有雙還。陳跡虛無裏。荒臺蔓草間。

文徵明

煮茶

絹封陽羨月。瓦缶惠山泉。至味心難忽。閒情手自煎。
地爐殘雪後。禪榻剋風前。為問貧陶穀。何如病玉川。

晏起

林下將迎寡。頽然萬事捐。老知閒有益。病與懶相便。
殘夢荒鷄後。輕寒總帳前。從教貧到骨。不負日高眠。

王寵

聽琵琶

紫塞傳胡語。崑丘學鳳鳴。春風歌白雪。總是斷腸聲。
司馬千行淚。明妃萬里情。當杯愁側耳。天外暮雲橫。

華察

東吳遊覽詩為汪山人作

平生好游覽。浪跡滿東吳。買地開三徑。移家傍五湖。
月明時放棹。客至漫操觚。為問風流意。年來復有無。

袁表

自柳至平樂書所見

鬱日方言似。薄梧瘴氣除。蚺蛇晴掛樹。射蠹盡含沙。
屋覆相君竹。山紅蜀帝花。夷堅收未盡。博物待張華。

王廷陳

聞箏

花月可憐春。房櫳映玉人。思繁纖指亂。愁劇翠蛾顰。
授色歌頻變。留賓態轉新。曲終仍自敘。家世本西秦。

明詩正聲卷之七 終

明詩正聲

卷之七

上

全明文

明詩正聲卷之八

明詩正聲卷之八

漆園 穆光胤仲裕 刪訂

澶淵 陳素蘊仲獻 校刊

五言律詩二

李夢陽

戊寅元夕

春色閏冬後。元宵驚蟄邊。軟塵欺月散。繁火奪星懸。
車馬中原地。笙歌全盛年。無勞驗花燼。難測是皇天。
望極

明詩正聲卷之八

望極雲天黑。關門落葉深。古城饑雀啅。長路斷蓬沈。
發婦登樓思。孤臣去國心。此時看故壘。何處不沾襟。

野泊

遠電剛江夜。官舟野泊稀。山鐘天外落。林火雨中微。
水立黃龍鬪。沙飛白鷺饑。平生萬里志。奈可夢西歸。

繁臺歸興

臺榭歸來地。江山戰後心。城空猶募馬。樹在只棲禽。
看岳晴偏近。俯河寒更深。風沙日日起。梁父為誰吟。

庄上晚歸

萬動各有息。吾亦念吾棲。鴉翅昏猶接。花蹊曲欲迷。

茅堂煙火外。稚子竹林西。自笑忙何事。還家每宿雞。

淡秋獨夜

獨夕偏聞鴈。悠悠寢復興。林堂下微月。風色暗疎燈。
遲暮心難已。悲涼氣轉增。憂來理琴瑟。腸斷舊朱繩。

河上秋興

後代看今代。今人即古人。空傳歌舞地。不見綺羅春。
宋嶽饒寒草。梁臺起暮塵。蒼茫白鷺渚。瀟灑酒類閒身。

閉居寡營忽憶關塞之游遂成一首

西崦千家落。防秋五百兵。山長元入塞。澗曲故穿營。
靜夜聞熊鬪。黃昏報虎行。替時忻歷覽。三駐白洋城。

銀山湯嶺北。鐵壁斗門邊。虎守千年寺。人看一線天。
赤崖崩古塔。陰洞圻新泉。尚記漁樵侶。長歌過馬前。

江州雨

潯陽困李白。吾寓亦江州。地轉潯聲逆。城空山氣流。
二儀風雨積。雙鬢古今愁。去鳥衝煙白。偏迎故國眸。

獄夜雷電暴雨

一雨暮何急。孤眠夜未央。疾雷翻暗壁。落電轉空梁。
勢極千山動。光還萬里長。天威終不測。魑魅可潛藏。

生日寫懷

臘日開朝是。浮生此歲過。黃雲薄暮積。白髮向來多。
壯士看雄劍。幽人戀薜蘿。異時論出處。竊慮各蹉跎。

早春晏黃宅

岐路風花裏。乾坤醉眼中。事隨年共異。春與昔還同。
相聚今何夕。相看各已翁。夜和杯氣暖。休負燭花紅。

鄭生至自泰山

昨汝登東嶽。何峰是絕峰。有無丈人石。幾許大夫松。
海日低波鳥。巖雷起窟龍。誰言天下小。化外亦王封。
伏日載酒尋高司。封讀書處。

養寂爲園卧。尋幽當暑過。林深得日薄。地靜覺蟬多。

舊業元杭稻。新亭復薜蘿。誰憐朱紱客。遽戀白雲窩。
送鄭生南歸

挂席南風便。煙霞北望深。逢人著皂帽。采藥鍊黃金。
五月二江路。扁舟四海心。方山有叢桂。誰與結雲林。
酬徐子春日登樓見寄

三月垂楊合。風花滿帝州。伊予直北望。爾上幾層樓。
紫塞連天起。黃河抱地流。春煙動萬里。何處覓丹丘。
贈陳生

白屋山中相。黃河水後田。家無釀酒秫。人索買書錢。
雨過雲流野。風來浪接天。行行牛角上。猶挂古人編。

京口逢五嶽山人

夜雨清池館。晨光散石林。一舟相過日。千里獨來心。
樹擁江聲斷。潮生山氣陰。異時懷舊意。應比未逢深。
哭張子

翰海龍真泣。遼陽鶴竟歸。壯心元鐵石。神爽尚旌旂。
光繞新埋劍。香殘舊賜衣。至今生仲達。猶怯孔明威。
聞鄭生歿豐沛舟中

短劍英雄氣。孤舟疾病身。那知生別後。竟作歿歸人。
汴柳詩筒斷。江花總幔新。白頭交誼者。灑淚向殘春。
嘲雪

怪爾梁園樹。先春忽自花。態多低復起。形弱直還斜。
祇解光迷鶴。無能色變鴉。玉樓銀闕裏。汝敢鬪瑤華。

詠庭中菊

亦隨羣艸出。能後百花榮。氣爲凌秋健。香緣飲露清。
細開疑避世。獨立每含情。可道蓬蒿地。東籬萬代名。

小燕

小燕羣騰壘。朝游夕每歸。蹈枝搖復穩。疑路止還飛。
日月銷黃口。風雲長黑衣。吾家廬室隘。好向玉樓依。

何景明

沅州道中

歲月驚長道。風塵惜舊絲。鉤雲盤曲磴。沿月遡迴溪。
南國疲征斂。西戎厭鼓鼙。山深正愁絕。落日鷓鴣啼。

馬道驟雨復霽

萬壑驚雷起。千峯鳴雨過。稍看風瀨減。更覺夏雲多。
虹飲垂青澗。猿行挂碧蘿。山中無吏事。長嘯答樵歌。

三月七日同諸生出遊

清晨招爾輩。同出眺煙沙。寒食孤村路。春風萬樹花。
藉藺臨水曲。折柳到山家。獨少清尊共。能無愧物華。

得五清先生消息尚客澧州悵然有懷

咎遇南來客。曾傳北寄聲。飄零携百口。留滯傍孤城。

澤畔騷人興。周南太史情。天高地仍遠。銜誦竟誰明。
得王子衡顛榆書。

萬里一書劄。逾年傳帝都。窺身天地遠。垂淚海雲孤。
柳送燕臺駿。花留漢殿鳧。赤霄終道路。白髮且江湖。
張侍御仲修送弓。

繡服意相親。彫弓把贈新。獨憐投筆志。未老據鞍身。
晝控鳴風鏑。宵彎把月輪。倚天時一望。西北有胡塵。
詠天寧寺塔。

七級芙蓉起。千年舍利藏。地形標海嶽。人代閱隋唐。
鏡現三天象。珠含四日光。白毫空萬里。處處有迷方。

漁樵

白石樵人路。滄江漁父濤。桃花夾兩岸。松色映孤岑。
坐傍龍鼉窟。行穿虎豹林。古今問答意。誰識邵公心。

一舫齋

乾坤聊一舫。高臥此齋深。竹散琴書色。窗開島嶼陰。
乘桴浮海意。擊楫渡江心。無限風波裏。何人嘆陸沈。

燕子

燕子今春到。茅堂水郭西。本無華屋志。難向玉樓棲。
雨細鳴相並。風輕落故低。淘河莫漫訝。只是為銜泥。

病馬

明詩正聲 卷之八 病馬

惜爾西來遠。愁看夏向東。毛寒常帶雪。骨瘦不禁風。惆悵臺邊士。淒涼塞上翁。徒聞穆天子。八駿歷層空。

春鴈

花初背楚澤。雪罷度秦乾。漸起隨春色。高飛犯朔寒。書停江國望。陣倚塞門看。憶爾常南北。無嗟行路難。

登釣臺

歲暮荒臺上。孤高望不窮。亂山浮落日。遠水抱寒空。野鷺時親客。江鴻晚避風。終期謝城市。來此伴漁翁。

淮陰侯

大將登臺貴。二軍拔幟豪。方能分楚漢。功本冠蕭曹。

故壘風雲偃。空山虎豹號。獨憐飛鳥嘆。不及范生高。

昭烈廟

漂泊依劉計。間關入蜀身。中原無社稷。亂世有君臣。峽路元通楚。岷江不向秦。空山一祠宇。寂寞翠華春。

登五丈原謁武侯廟

風日高原暮。松杉古廟陰。二分扶漢業。萬里出師心。星落營空在。雲橫陣已沈。千秋一瞻望。梁甫為誰吟。

李攀龍

朝陵夜作

上陵無不美。秋杪更宜看。風雨朝佳氣。旌旗擁漢宮。

星。落。千。嶂。過。月。出。萬。松。寒。倚。馬。清。鐘。外。新。霜。滿。玉。鞍。
郊行

並。馬。未。央。前。看。雲。過。灞。川。時。逢。黃。鳥。住。欲。就。綠。陰。眠。
官。豈。登。臨。拙。名。非。案。牘。傳。風。塵。朋。好。在。回。首。汶。陽。田。
夜過元美

眼。底。誰。同。病。天。涯。好。自。親。放。歌。依。日。月。縱。飲。向。風。塵。
世。態。搖。知。已。時。名。走。衆。人。朝。參。君。莫。嬾。漢。主。憶。詞。臣。
送孟得之

十。載。薊。門。客。秋。風。見。長。年。思。家。朔。月。夜。驢。馬。白。雲。天。
來。鴈。投。衣。後。黃。花。落。帽。前。何。人。過。攜。酒。共。醉。黎。陽。川。

送張比部募兵秦晉諸郡

天。威。嚴。滅。虜。使。者。出。秋。官。白。羽。徵。兵。入。黃。金。結。士。權。
風。雲。千。騎。動。雨。雪。二。陵。寒。無。易。行。間。客。能。登。漢。將。壇。
送沈郎中守順慶

見。說。塞。帷。處。千。山。擁。使。君。嘉。陵。渡。春。水。棧。道。轉。秋。雲。
郡。下。平。蠻。檄。家。傳。諭。蜀。文。病。餘。饒。臥。理。能。不。憶。離。羣。
張氏園亭

辟。疆。開。別。業。載。酒。雨。中。看。亭。敞。千。花。暝。樓。空。萬。竹。寒。
呼。童。移。枕。簟。勸。客。解。衣。冠。宿。我。山。窻。下。聽。詩。坐。夜。闌。
春日韋氏園亭同元美賦

藉草到流水。看花延落暉。客中過寒食。馬上改春衣。
移席青山出。開樽白鳥飛。天涯有朋好。能使官情微。

同元美與諸比部早夏城南放舟

言尋韋杜曲。與客放船行。樹影含衣動。溪光逼酒清。
狂來出真態。醉裏見浮生。所以山公後。寥寥達者名。

再遊南溪同應駕部徐比部賦

此日南溪約。應徐賦客同。據牀千竹下。進艇百花中。
天入華陽錦。雲生碣石宮。管賢何慘淡。吾醉任鴻濛。

同皇甫繕部寒夜城南詠月

片月掛遙岑。層城曳素陰。寒分宮樹淨。影落御溝深。

結。悲。征。笛。勻。霜。上。構。砧。西。園。芳。晏。後。白。雪。復。誰。吟。

酬徐員外舟中新詠見示

何處逢搖落。秋風又別家。天清鴻鴈影。江滿荻蘆花。
明月留仙佩。寒星犯客槎。到來開篋笥。新句動京華。

雪溪徐山人

自有浮雲戀。非因倦鳥還。林光清客夢。湖色駐人顏。
歲序高懸榻。風塵老抱關。不投明月壁。甘隱大雷山。

和殿卿白雲亭醉歌

狂殺王門客。空亭日嘯歌。那知珠履散。自愛白雲多。
短髮隨秋水。長裾曳芰荷。獨憐枚叟在。不復厭婆娑。

夏日東軒臥病

夜半忽風雨。層樓四望孤。雷聲羣不注。電劃大明湖。
雲霧連屏疊。蛟龍抱劍呼。飛揚天地意。並老見吾徒。

秋日邨居

隱几憐清曉。開軒命濁醪。西風行薜荔。白露綴蒲桃。
氣逼蟬聲苦。天含鴈影高。壯心堪自見。秋色正滔滔。

圓硯效徐庾體

片石分雲出。良工向月刪。自疑臨壁水。誰為網壺山。
洗墨沈金鏡。呵冰斷玉環。回眉京兆婦。纖指曲池間。

月

不是山中日。誰能坐鬱陶。蟾孤憐凍影。兔老愛霜毛。
暈疊金波動。寒侵玉樹高。為題團扇句。千里寄同袍。

王世貞

渡江卽事有感

吳楚一江合。風煙萬里開。秋天鸚鵡筆。日莫鳳凰臺。
流落猶驚世。英雄始忌才。如何對玉軫。絃絕重徘徊。

上谷雜詠

海內兵戈徧。茲方可晏然。生兒先共虜。與鬼不分年。
馬失來時道。雕盤戰後天。城中七萬戶。簫鼓舊喧闐。

入南屏山路

一入南屏路。悠然與世疎。游人柳枝曲。禪客藕花居。
暖氣催鳴蛤。泉聲跳伏魚。雙壺挂籃筍。佳處莫教虛。

太原道中書事

不斷峯巒色。何由見晉陽。傷山兔三穴。入地鼠千倉。
項爲泉奔瘦。牙因棗熟黃。吳兒莫相笑。風俗古陶唐。

春日郊游有懷于鱗

春甸堪吟醉。何妨藉草留。醉扶天地語。吟壓古今愁。
鉅鹿山層去。盧龍日亂流。將心向誰剖。真覺此生浮。

難後答和于鱗舊貽

燕臺一樹淚。歸灑大江湄。天地藏身小。風塵厭世遲。

生寧如李志。次敢傷要離。寒雨松楸夕。那堪讀汝詩。

寄穆考功兼簡石給事

穆生醴酒薄。邢氏官情微。人管水壺是。官今水鏡非。
風雲千態出。天地一身歸。予亦窮途客。因之賦采薇。

二

故人有羊角。一疏忤龍鱗。生死交情在。行藏世事頻。
還將孤憤意。俱付耦耕人。倘遇栖栖者。春風指問津。

簡茂秦

飄梗真難繫。垂楊未可攀。君名去留外。吾道是非間。
且自人前眼。憑蒼客後顏。蕭然一長揖。詩句滿春山。

得仲蔚所寄亂後諸詩有感

避地乾坤小。愁身歲月遙。榮華釀兵革。喪亂飽漁樵。隱士紫芝曲。朝廷黃竹謠。異時真愧汝。薄祿總難消。

寄張大侍御遷吏部郎

向來周柱史。仍作漢郎官。不盡明光疏。還留啟事看。青雲歸藻鑑。白日動衣冠。解道愁康懶。書成也自寬。

答助甫吏部

屈指青雲士。誰知張長公。孤吟破秋色。萬木避天風。吾黨殊能作。乾坤不可窮。毋論廣武歎。豎子未英雄。過子肅愍公。墓歲復為巳。巳公立大功之日。

距今兩甲子矣

正統逢今歲。胡塵日暫蒙。乾坤三巳巳。社稷一于公。不作青衣屨。依然黃屋崇。祁連賜塚地。石馬汗秋風。

顧季狂見過在談竟月於其行也詩以贈之

久矣墻東避。俄驚羊仲從。一貧詩作祟。百戰舌為鋒。汝自談非馬。吾寧好似龍。祇應拋麈尾。杯酒日從容。

陸成叔出新詩。雋麗甚然多平康巷中語走

筆戲贈且以為風

煙月清溪里。風流白苧辭。玉臺編後出。銀字管中吹。六代才難盡。三山景尚奇。母令小謔後。寂寞使人悲。

八月十五夜濟寧池亭別子與

月自中秋滿。人從此會離。出來最圓夜。翻是欲虧時。
玉樹斜穿樹。金波細溢卮。清光轉應好。脉脉待看誰。

六月盡立秋

七月朔朝是。孤舟病客非。秋爭一夜早。暑可片時歸。
怯引青菱鏡。衰耽白苧衣。誰能作桐葉。取次便先飛。

許解元悼妾

十五繡鴛鴦。粧成贈阮郎。蛾眉西嶺月。鸞鏡九秋霜。
小雨流蘇暗。蘭風錦簟涼。欲從天外覓。誰遣返魂香。

謝榛

元夜道院同于鱗元美五君賦

長安月正滿。遊騎隘京華。夜火分千樹。春星落萬家。
乘閒來紫府。垂老問丹砂。笙鶴知何處。依稀見綵霞。

寓大伾山王侍郎見訪

門敞青天近。庭空夕照多。幽人掃石榻。上客到雲蘿。
調鶴移時立。看山信意歌。還同坐風露。花竹夜如何。

寄王侍御廷實

中歲耽高卧。徵書近有無。寒花世味薄。老鶴道心孤。
白日分千嶂。青天落五湖。懸知文力健。聊復擬潛夫。

渡黃河

月夜渡黃河

路出大梁城。關河開曉晴。日翻龍窟動。風掃鴈沙平。
倚劔嗟身事。張帆快旅情。怱怱不知處。空外權歌聲。

天馬歌

身置黃金罍。鍾靈自渥注。系陽相識後。苜蓿幾開花。
迥立天風起。長嘶嶺日斜。會當平虜去。萬里踏龍沙。

寒食

旅次驚寒食。流年鬢有華。春風吹燕子。初日照梨花。
丘壠天邊淚。江湖夢裡家。古來詞賦客。落拓但長嗟。

秋興

山昏雲到地。江白雨連天。鴻鴈寒無賴。芙蓉秋可憐。

旅懷須痛飲。世事且高眠。京國迷茫外。空歌美女篇。

春日都下言懷

煮藥花朝過。中宵坐黯然。樓空萬井月。樹合九門煙。
多病還詞賦。孤懷且歲年。滄江有白鳥。來往釣磯邊。

秋日返上書懷

水邊沙艸合。林外石橋橫。雲漫三秋色。河流萬古聲。
野花欺老鬢。村酒勝浮名。我愛桐江叟。漁竿不世情。

清曉

清曉復何向。出門風颯然。烽煙三晉地。霜露九秋天。
禦虜誰長策。談兵自往年。俠兒亦解事。仗劔欲臨邊。

春日過山村漫興

何物清人思。西山對郭門。漁樵春草路。鷄犬夕陽村。
水動煙霞色。沙留杖履痕。向來樗散意。一醉任乾坤。

山縣久雨感懷

雲慘失峯巒。林深鳥自安。山城七日雨。客舍九秋寒。
綠酒愁邊盡。黃花病後看。癡兒問行路。不道僕夫難。

明詩正聲卷之八

終

明詩正聲卷之九

漆園

穆光胤仲裕

刪訂

澶淵

陳素蘊仲獻

校刊

五言律詩三

李先芳

一齋

一齋容膝處。高枕謝招尋。稚笋初平檻。新鴉未出林。
間情芳艸地。春恨落花心。更愛前溪好。千章綠樹陰。

種樹

官齋頻種植。小築若爲家。踈雨芭蕉葉。微風茉莉花。
水鄉長苦熱。山縣早休衙。尚有沈冥意。焚香坐剋霞。

馬上咏雪

寒日低黃竹。微風動玉塵。封條官柳重。積素野梅勻。
坐失青山色。歸迷白馬津。半空紛雜沓。疑有散花人。

寄懷蘇子長四宜園

近郭無雙地。名園有四宜。松風生午夢。蕉雨入秋思。
客至題凡鳥。詩成比色絲。遙將燕市月。爲照習家池。

有感爲楊椒山

朝市傷心日。英雄負氣時。寸心元匪石。微命杲如絲。

賈傳遭何幸。楊暉罪莫辭。山中有麟鳳。誓與白雲期。

穆考功 諱文熙

山雨

荆南驅使馬。春樹忽鳴鳩。一夜花饒笑。千溪水急流。
雲。溪。迷。遠。岫。沙。碧。見。羣。鷗。寂寞烟波裡。鄉關起暮愁。

金泉寺同劉誠意

爾自稱公幹。勛庸奕葉傳。黃金輕佩印。白社重安禪。
招鶴天風外。呼猿瀑布前。勝遊良不偶。紀石白雲巔。

立秋和拱辰韻

大火初流日。郊園暑漸清。露從黃葉下。涼自白雲生。

塞月妻胡鴈。金飈動石鯨。平生多肺病。何處望金莖。
得鶴

只在秋江上。塵寰卻有期。臨霞意自遠。鬪月影偏奇。
賧助花間采。還於水澤宜。此時真美汝。清淚伴吟詩。

其二

只在秋江上。九臯不礙聲。蘇耽乘作騎。魏野締為盟。
白雪音常在。丹砂煉已成。此時真美汝。直欲即無生。

風

天末狂飈起。乾坤變能間。挾沙晴吼樹。捲霧晝沈山。
猛士歌千載。雄心動八寰。果能乘此去。破浪詎為難。

白葡萄

憶昔同天馬。相將入漢宮。玉盤嬌欲碎。冰碗映來空。
引蔓高千尺。垂雲暗一叢。夏聞能釀酒。小摘滿郵筒。

石星

冬日喜晴

雨歇遙天淨。雲晴別墅空。殘花散傍水。落葉苦吟風。
萬事寒荆裏。千山夕照中。登臺時極目。絕塞有飛鴻。

游蘭若觀桃花

鷄班散紫宸。浮靄滿衣巾。歲月驚心切。風光入眼頻。
那期京洛地。卻遇武陵春。回首情何極。孤園傍水濱。

王世懋

先君復職命下就道志喜

自沈幽谷痛誰照。灰明烏鳥悲新疏。麒麟憶舊名。魂銷招乍返。淚盡感重生。試問王褒樹。春風可再榮。

贈清上人

綻網欲何適。冷然秋色中。慧根僧臘少。綺障道言空。山墮吟邊月。松來定後風。可知王逸少。名理讓支公。

江州雜興

不堪頻出郭。極望轉心驚。病奪三春色。愁添九派情。山含殘雪淡。雲帶薄寒輕。坐見梅花落。妻其江上城。

盧柟

上張劄西明府

獄久年三換。刑深鬢二毛。愁淹天畔日。淚作海門濤。寸艸傷春碧。慈烏近夜號。感時思雨露。回首望旌旄。

宗臣

即事四首

詎知烽火色。亦到海門東。九市旌旄立。千家扃軸空。漁樵新授甲。都護驟從戎。寂寞江天上。驚看一鉞雄。

二

白日頻搔首。青山一杖藜。星辰千騎入。風雨萬家迷。

有路難舟楫。中天急鼓鼙。愁心與芳艸。江上共萋萋。

三

赤羽遙傳越。黃霾近接吳。夷歌分鼓吹。野哭散蘼蕪。
日落江流急。天高海氣孤。中原有廉頗。爾輩敢長驅。

四

華夏翻連寇。江淮遂苦兵。鯨鯢揚子渡。日月棘門營。
俠氣荆卿劍。雄心漢吏纓。爾曹何足慮。流涕此蒼生。

贈別吳子

問爾何年至。還能幾日留。尊開朱鴈夕。心折紫萸秋。
歲月餘孤鬢。開山任敝裘。漁竿如可飭。遲我狎江鷗。

送王判

可嘆日為別。兼之歲欲殘。青袍今作吏。白髮已盈冠。
鴻鴈千門夕。梅花一騎寒。風塵好自愛。行路古來難。

寄元美

念爾行搖落。何心堪寂寥。凌風雙鬢短。畏路一身遙。
薜荔亂江雨。魚龍犯夜潮。廣陵明月好。曾聽玉人簫。

天目徐山人

天目三千尺。高樓第一峰。瀑來飛萬馬。石削起雙龍。
白日江華細。朱霞海色封。行歌秋更好。散髮弄芙蓉。

吳國倫

塞上曲

叱馬過幽州。橫行北海頭。朔風喧鷺鼓。飛電激蛇矛。
奮臂千山震。英聲百戰留。天威揚萬里。不必侈封侯。
望海

望海天無際。登樓亦壯哉。虜隨春霧散。雪擁暮潮來。
六闕支鼇背。千珠吐蚌胎。聊舒萬里目。長嘯起銜杯。
電白南樓望海

一縱登城日。蠻烟百粵通。斷山橫絕海。孤閣倚層空。
地撼蛟龍鬪。潮爭鼓角雄。憑軒獨舒嘯。萬木起悲風。
七臺寺

一柱虛無力。羣峰次第飛。芙蓉開佛座。蘿薜挂禪衣。
海月傳燈過。嵩雲作雨歸。怪來稱佛土。無自著塵機。
蘄春江上謁禹廟

山遠鴻沙曲。城憑鳳嶺孤。古祠銜絕磴。飛浪灑平蕪。
萬里來江漢。千門過舳舻。可知神禹蹟。浩蕩古來無。
董生祠

萬木廣川村。蕭蕭古殿存。高粱蟠海氣。殘碣臥松根。
日月黃河逝。文章漢代尊。卽看荒艸色。猶似未窺園。
贈王敬美新婚

不忝乘龍客。名家倚馬才。片雲飛楚峽。雙鳳下秦臺。

小避新粧出。風搖雜珮來。曲房春太早。花燭徹明開。
病中答曹有卿參政

自失中原路。夷猶瘴海邊。病依山鬼臥。窮得故人憐。
白髮親蠻俗。丹心老戍煙。南征有銅柱。誰紀伏波賢。

徐中行

吳給事謫豫章

淮陽漢楫客。澤畔楚詞臣。霄漢寧容汝。江湖且寄身。
寒濤千里雪。落日九江春。試掃匡廬石。青天賦隱淪。
罷郡喜歸

十載思丘壑。今朝得杖藜。桂冠高嶽頂。鼓棹五湖西。

芳艸春將徧。桃花路不迷。吳興清遠地。不讓武陵溪。

病甚復起簡王元美兄弟并申修禊之約

江山投老地。風雨妬花天。藥裹題將徧。藜床坐欲穿。
青春杯久負。白髮鏡相憐。力疾還修禊。誰能讓昔賢。

梁有譽

早春同李于鱗王元美華嚴上人菴訪謝茂秦

雙林喜並過。謝客近如何。散帙山雲入。攜筇野色多。
緇塵凋鶴鬢。滄海問漁簑。暫此林間酌。春風一放歌。

秋堂夜集聽雨

岬憤坐清夜。冥冥山雨過。微涼生密竹。急響亂哀荷。
卽事易成感。會心寧在多。不須憐骯髒。客醉且狂歌。

皇甫汈

初至京同諸進士集羅山人館各賦得東字
十年違冀北。一壑臥江東。歸去同元亮。重來藉子公。
鶯花新漢月。燕麥舊春風。祇自持團扇。慙恩女伴中。

贈晁翰檢

金馬沈方朔。文園臥長卿。何如狎鷗鳥。暫此返紫荊。
艸就編年目。花餘愛日情。庭闈自可戀。詎是厭承明。

邯鄲道

邯鄲臨古道。車馬此通津。錦瑟空遺恨。緇衣易染塵。
王昌非蕩子。趙女是才人。併逐漳流盡。叢臺蔓艸春。

畱別李守

君奉燕京役。余為越郡遊。雲中過鴈宕。天上拜龍樓。
恩賜含香日。情憐倚玉秋。相思何處是。澶水共悠悠。

秋日思牛首諸山因寄海天上人

坐憶空山路。青林去不遙。齋關閉秋雨。寒磬落江潮。
雅自依龍藏。憑誰問虎橋。塵心報支遁。何日晤言消。

蔡汝楠

山中立夏卽事

日詩王產 卷之九
一尊開首夏。獨對落花飛。幽僻還聞鳥。清和未換衣。
綠幃槐影合。香飯藥苗肥。盡日柴關啟。蠶家過客稀。

祖堂同徐公子夜宿

侵晨逢出郭。薄暮共依禪。榻似迎徐日。花如獻祖年。
山空鐘乍響。僧定月初圓。為接慈燈照。深懷妙偈傳。

寄華學士

知君謝朝謁。山水賦尤工。才邁雕龍客。心齊失馬翁。
爐霞留戶內。花竹隱牆東。莫道風流意。如今異洛中。

張佳胤

西郊送別謝茂秦盧次榘二山人

城外霜花盡。離歌白露中。浮雲生野樹。寒鴈起秋風。
杖別盧敖遠。詩憐謝朓工。腰間兩龍劍。解贈氣何雄。

張九一

燕集孟真山亭時約卿載酒自宜都來訪公

賦

江亭含夕景。蒼翠遍諸峰。客自山陰至。人如谷口逢。
秋風收芋栗。寒雨落芙蓉。莫在多雲氣。隆中暫臥龍。

奉和之順陽溪別業之作

千峰羅杖底。逸勝武夷傍。夜雨蘼蕪徑。春風薜荔牆。
引渠分海色。種竹惹風光。會發王猷興。籃輿就辟疆。

黃姬水

阮魯蔣三都闔。攜酒過訪得朝字。

麗景初移候。朱明乍履朝。竹晴全解籜。花晚半辭條。
楊子耽玄默。龐公受寂寥。薜蘿情自洽。誰識有金貂。

王問

訪施子羽溪上

榜舟尋舊侶。溪上野人家。待雨先移竹。為欄欲種花。
几攤梅福傳。園摘邵平瓜。共憶髫年事。相看鬢已華。

送路都司征倭

吳會多奇士。今推霍冠軍。一身常許國。百戰敢邀勳。

文韋輝江日。樓船泛海雲。為書名將傳。相送美髯君。

馮惟訥

出榆關逢徵兵使人作

聞道雲中將。先秋戒鐵衣。虎符千里至。龍騎五營歸。
夜月明彫戟。山風曳畫旂。誰憐瀚海外。雜虜駐金微。

春日關山道中

春色被蘭皋。春風引使旄。天光落澗小。山氣入雲高。
錦石花為帷。飛泉雪作濤。誰言九折坂。叱馭不知勞。

陸師道

贈何元朗

愛汝好兄弟。南州稱二難。水曹今鳳下。徵士獨龍蟠。
寄傲陶元亮。逃榮管幼安。願言從子隱。東海把漁竿。

劉鳳

寄題山寺

澗道挂溪松。霜流萬壑鐘。鳥來分樹色。鹿下破苔封。
寄衲雲門寺。懸燈天柱峰。何年高足去。受記付潭龍。

黎民表

閩警

干戈愁越路。閩海更堪憐。篋竹頻依險。鯨鯢共戴天。
未收熊耳甲。莫費水衡錢。痛哭謀臣疏。珠厓肯棄捐。

歐大任

鮑霽過梅關

千峰留晚色。迢遞出梅關。日向猿聲落。人從鳥道還。
中原開嶺徼。南海控甌蠻。萬國來王合。秋風戰馬閒。

李化龍

蓬萊閣

五月蓬萊閣。無風亦自涼。連天浮蜃氣。盪日引珠光。
鶴舞仙山外。龍吟帝座傍。何時逃世網。東下問扶桑。
硤石驛用黃太史韻

飛傳入秦關。長空見鳥還。路危人立馬。風急客摧顏。

河洛三川月。岷峨萬里山。何時氛祲息。十畝得歸間。
二

久詠石壕吏。今來過石壕。山連三晉險。雲鎖二陵高。
多難親雄劍。間情引濁醪。簡書真可畏。行邁敢辭勞。

朱宗吉

懷周公瑕

故人千里外。歲暮尺書勞。山色供青眼。晴雲照絲毫。
艸愁孫聖暮。江怒伍胥濤。能不思公瑾。凭欄首重搔。
中秋對月有懷黎君司封

片月故當樓。山雲抱檻流。竹梧三徑冷。砧杵萬家秋。

對酒驚時序。懷人動旅愁。尺書勞鴈足。曾不到羅浮。

仲裕丈以佩劍解贈且侑以五言近體賦答

俠客在東隣。相過說劍頻。世無歐冶氏。那得湛盧新。
出匣驚風雨。含霜泣鬼神。獨慙非烈士。珍重渡延津。

于若瀛

贈王雲池

隱跡長千里。名園背郭成。柳塘春水漲。藥圃鮑烟晴。
五斗腰慵折。一山杖自輕。兒童歌吹夜。相對意縱橫。

王穉登

走索

明詩正聲卷之九
三
奎文舍

翠駕千尋纜。青山十丈虹。金蓮不踏地。羅襪似行空。
步捷遊絲上。身輕一線中。只愁并舉去。無使久臨風。

明詩正聲卷之九終

